





古文苑目錄

第一卷

文

石鼓文

詛楚文

秦二世嶧山刻石文

魏敬侯碑陰文

賦 旱雲頌

笛賦

大言賦

小言賦

真頌

聞人牟準

宋玉





諷賦

釣賦

舞賦

頽旱雲賦

虞賦

士不遇賦

賈誼

梁王菟園賦

董仲舒

美人賦

枚乘

司馬相如

第二卷

賦

屏風賦

又屏風賦

劉安  
羊勝

擣素賦

班婕妤

請雨華山賦

劉向

逐貧賦

太玄賦

揚雄

蜀都賦

劉歆

甘泉宮賦

遂初賦

首陽山賦

竹扇賦

琴賦

九宮賦

杜篤

班固

傅毅

黃香



鍼縷賦

圍碁賦

髑髏賦

函谷關賦

大赦賦

第三卷

賦

夢賦

漢津賦

短人賦

筆賦

琴賦

柳賦

彈碁賦

誚青衣賦

觀舞賦

浮淮賦

又浮淮賦

述行賦

大暑賦

豕賦

王孫賦

青衣賦

協和昏賦

胡栗賦

述行賦

溫泉賦

羽獵賦

終南山賦

曹大家

馬融

張衡

李尤

崔寔

王延壽

蔡邕

魏文帝

王粲

曹植

王粲



又大暑賦  
又羽獵賦

靈河賦

白髮賦

遊後園賦

枯樹賦

劉楨

王粲

應瑒

左思

謝眺

庾信

第四卷

詩

栢梁詩

古梁父吟

錄別詩

答詩

臨終詩

離合作郡姓名詩

六言詩二首

李陵

蘇武

孔融

別李陵

雜詩二首

木蘭詩

嘲熱客

齊梁詩四十五篇

侍遊西方山應詔

遊仙詩

奉和南海王殿下詠秋胡妻



栖玄寺聽講畢遊郊園

別蕭諮議

任殿中昉

王延

宗記室史

蕭諮議行

蕭記室琛前夜以醉乖例今晝由醒敬

應教

別蕭諮議又一首

和王友古意二首

餞謝文學離夜

沈右率約

虞駕部炎

范通直雲

謝文學眺

王中書融

蕭記室琛

寒晚敬和何徵君點

劉中書繪

別王丞僧孺

學古貽王中書

范通直雲

雜體報范通直

賦物為詠得慢

謝文學眺

琵琶

王中書融

箏

沈右軍約

奉和月下

奉和秋夜長



四色詠

奉和織織

奉和代徐

并代徐

詠梧桐

和王中書融

劉中書繪

阻雪連句遙贈和

謝文學眺

江秀才革

歌

淋池歌

漢昭帝

黃鵠歌

昭帝

招商歌

後漢靈帝

曲

落葉哀蟬曲

漢武帝

第五卷

勅

漢高祖手勅太子

啓

晉明帝啓元帝

狀

掾臣條屬臣準書佐臣謀弘農太守上祠西岳乞差一縣賦發復華下十里以



內民租田口筭狀

書

詣丞相公孫弘記室書

董仲舒

荅劉歆書

楊雄

遺令書四首

酈炎

曹公與楊太尉書論刑楊脩

楊太尉荅曹公書

曹公卞夫人與楊太尉夫人袁氏書

楊太尉夫人袁氏荅書

對

郊祀對

董仲舒

雨雹對

對事

酈炎

第六卷

頌

山川頌

董仲舒

車騎將軍竇北征頌

班固

東巡頌

傅毅

天子冠頌

黃香

又東巡頌

蔡邕



南巡頌  
太廟頌

述

魏受命述

贊

焦君贊

屈父贊

正考父贊

銘

高祖沛泗水亭碑銘

十八侯銘

車銘

車左銘

車右銘

車後銘

仲山父鼎銘

樽銘

襪銘

孟津銘

井銘

王粲

邯鄲淳

蔡邕

張超

王粲

班固

馮衍

傅毅

李尤

小車銘



漏刻銘

警枕銘

樽銘

延賓鍾銘

蔡邕

第七卷

箴

百官箴

冀州牧箴

青州牧箴

揚州牧箴

揚雄

兖州牧箴

徐州牧箴

荊州牧箴

豫州牧箴

雍州牧箴

并州牧箴

光祿勳箴

太僕箴

大鴻臚箴

大司農箴

執金吾箴

將作大匠箴

太常箴

益州牧箴

幽州牧箴

交州牧箴

衛尉箴

廷尉箴

宗正箴

少府箴

太尉箴

崔駰



河南尹箴

尚書箴

博士箴

關都尉箴

郡太守箴

侍中箴

城門校尉箴

上林苑令箴

司徒箴

尚書箴

崔瑗

東觀箴

河隄謁者箴

北軍中候箴

司隸校尉箴

揚雄

司空箴

大理箴

諫大夫箴

第八卷

雜文

僮約

奕旨

篆勢

青髯奴辭

九惟文

王褒

班固

蔡邕

黃香

蔡邕

叙

董仲舒集叙

記



漢樊毅修西嶽廟記

碑

河間相張平子碑

崔瑗

曹娥碑

度尚

桐柏廟碑

王延壽

九疑山碑

蔡邕

第九卷

碑

漢故中常侍騎都尉樊君之碑

子遷

漢金城太守殷君碑

酈炎

西嶽華山亭碑

衛覲

西嶽華山堂闕碑

張昶

後漢鴻臚陳君碑

邯鄲淳

誄

元后誄

揚雄

北海王誄

傅毅

曹蒼舒誄

魏文帝



古文苑目錄

曹公詩  
北山玉精  
元日精  
精

西嶺華山古  
西嶺華山古  
西嶺華山古  
西嶺華山古  
西嶺華山古  
西嶺華山古  
西嶺華山古  
西嶺華山古

古文苑卷第一

文

石鼓文

避車既工避馬既同避車既好避馬既駙君子  
員員邈邈員旂鹿鹿速速君子之求酋弓茲召  
寺避毆其孫其來趨趨燄即避即時鹿鹿趨趨  
毆其樸來射其來肉既避其獮蜀  
沂毆沔沔丞丞馭淖淵鯉鯉處之君子導之瀉  
瀉又雀其旂趨趨帛魚皞皞其蒞氏鮮黃帛其  
竊又鮑又鱗其豆孔庶絜之彘彘  
丑若切如大人賦塗



汪漣漣其魚佳可佳鯁佳鯉可音彙之佳楊  
及柳

田車既安鑿勒馬衆既簡左驂旛旛右驂驥驥  
避呂濟于原避我陣止世阼宮車其寫秀弓時  
射麋豕孔庶鹿鹿雉兔其又旃其趨固大出各  
亞吳執而勿射庶趨趨君子廼樂

鑿車攀軟真弓孔碩彤矢馬其寫六轡駑駑迺  
馭孔庶廡宣搏搏皆車載衍徒如章原溼陰射  
之矧迂陽趨六馬如虎獸鹿如多賢迪禽避兔  
允異

溼溼雷雨漣迺湧盪漑漑君子即涉馬漣汧毆  
泊泊淒淒舫舟西遶自廡徒馭湯湯佳舟臣道  
或陰或陽極深臣戶于水一方勿止其奔其敵其吏  
猷乍遽乍衛遄我嗣除師馭隄莫為世里微微  
固固鼻柞械其檝格甯甯鳴亞箬若其琴所旂駢  
籃衛旨對旨孫

而師弓矢孔庶左驂泊泊是戴不具奪後具肝  
來其寫矢具來樂天子來嗣王始古我來  
馭走驕驕馬虜哲若微雉立其一之  
逝水衛既平既止喜樹剽里天子永寧日維丙



申避其衛用馬既救肅肅駕左驂駮駮駮駮址  
女不韃霧公謂天余及如周不余及

吳人憇亟朝夕敬載西載北勿奄勿伏畢而出  
獻用大祝亭執寧逢中孔鬪鹿鹿麇麇麇避其鹿  
鹿龠龠天求又是

詛楚文

有秦嗣王敢用吉玉宣璧使其宗祝邵馨布忠  
篆文似作慙字又作慙字告于不顯大神巫咸以底楚王熊  
相之多臯昔我先君穆公及楚成王是繆力同  
心兩邦若壹絆以昏姻衿以齊盟曰葉萬子孫

毋相為不利親即不顯大神巫咸而質焉今楚

王熊相庸田無道淫邪甚亂宣侈競從變渝石作輸

盟刺內之則暴虐不姑刑戮孕婦幽刺親戚拘

圍其叔父寘諸寘室櫝棺之中外之則冒改人

篆文似心字心不畏皇天上帝及不顯大神巫咸之

光列威神而兼倍十八世之詛盟率諸侯之兵

以臨加我欲剗伐我社稷伐滅我百姓求蔑瀆

皇天上帝及不顯大神巫咸之卹祠圭玉義牲

遂取吾邊城新郢及鄔長親吾不敢曰可今又

悉興其衆張矜意怒飾甲底兵奮士盛篆文無此盛字



師以偏吾邊境將欲復其貳迹唯是秦邦之羸  
衆敝賦鞞輸棧輿禮使介老將之以自救也亦  
應受皇天上帝及不顯大神巫咸之篆文無幾  
靈德賜克初楚師且復略我邊城敢數楚王熊  
相之倍盟犯詛著諸石章以盟大神之威神

秦二世嶧山刻石文

皇帝立國維初在昔嗣世稱王討伐亂逆威動  
四極武義直方戎臣奉詔經時不久滅六暴強  
二十有六年上薦高號孝道顯明既獻秦成乃  
降專惠親巡遠方登于嶧山群臣從者咸思攸

長追念亂世分土建邦以開爭理攻戰日作流  
血於野自泰古始世無萬數阨及五帝莫能禁  
止迺今皇帝壹家天下兵不復起災害滅除黔  
首康定利澤長久群臣誦略刻此樂石以著經  
紀皇帝曰金石刻盡始皇帝所爲也今襲號而  
金石刻辭不稱始皇帝其於久遠也如後嗣爲  
之者不稱成功盛德丞相臣斯臣去疾御史大  
夫臣德昧死言臣請具刻詔書金石刻因明白  
矣臣冒死請制曰可

魏敬侯碑陰文

聞人牟準



敬侯所葬之先域城惟解梁地即鄆首山對靈足谷當猗口勢高而趣幽形垣而背阜鑿室而可以蔽藏不墳而所冀速朽珎琦素白而靡尚衣服隨時而則有故吏述德於隧前門生紀言於碑後曰季居亭而已治詹嘉在主而可處高攄之厚地將种億而永久所著述渥解故訓及文筆等甚多皆已失墜所注孝經固而倉頡冢碑大篆書在左馮翊利陽亭南道旁及華山下亭碑增筭狀殷叔時碑魏大饗碑群臣上尊號奏及受禪石表文並在許繁昌尊號奏鍾元常

書受禪表觀並金針錯一作八分書也太祖文帝等臨詔令雜駁議上封事一百餘條誠子等散在門人及碑石可見樹碑人郡國縣道姓名具如于後

賦

笛賦

宋玉

余嘗觀於衡山之陽見竒篠異幹罕節間枝之叢生也其處磅礴千仞絕谿凌阜隆崛萬丈盤石雙起丹水涌其左醴泉流其右其陰則積雪凝霜霧露生焉其東則朱天皓日素朝明焉其



南則盛夏清微

一作徹

春陽榮焉其西則涼風遊

旋吸逮存焉幹枝洞長桀出有良

一作工焉

有名高

師曠將為陽春其北則鄙白雪之曲假塗南國

至此山望其叢生見其異形曰命陪乘取其雄

焉宋意將送荆卿於易水之上得其雌焉於是

乃使王爾公輸之徒合妙意角較手遂以為笛

於是天旋少陰白日西靡命嚴春使午子延長

頸奮玉手摘朱脣曜皓齒頰頰臻玉貌起吟清

商追流徵歌伐檀號孤

一作瓠

子發夕轉舒積鬱

其為幽也甚乎懷永抱絕喪夫天亡稚子織悲

微痛毒離肌腸腠理激叫入青雲慷慨切窮士

度曲羊腸揆殃振奔逸遊佚志列絃節武毅發

沈憂結呵鷹揚叱太一聲聲淫淫以黯黯氣旁合

而爭出歌壯士之必往悲猛勇于飄疾麥秀漸

兮鳥聲革翼招伯奇於源

一作涼

陰追申子于晉

域夫奇曲雅樂所以禁淫也錦繡黼黻所以御

寒也縵則泰過是以檀卿刺鄭聲周人傷北里

也亂曰芳林皓幹有奇寶兮博人通明樂斯道

兮般衍瀾漫終不老兮雙枝間麗貌甚好兮八

音和調成稟受兮善善不衰為世保

一作寶

兮絕



鄭之遺離南楚兮美風洋洋而暢茂兮嘉樂悠  
長侯賢士兮鹿鳴萋萋思我友兮安心隱志可  
長兮兮

大言賦

宋玉

楚襄王與唐勒景差宋玉遊於陽雲之臺王曰  
能為寡人大言者上座王因唏曰操是太阿剝  
一作戮一卅流血冲天車不可以厲至唐勒曰壯士  
憤頓一作兮絕天維北斗戾兮太山夷至景差曰  
校士猛毅皐陶嘻大笑至兮摧覆思一作累愚鋸牙  
雲晞甚大吐舌萬里唾一卅至宋玉曰方地為

車圓天為蓋長劔耿耿一作介倚天外一作外王曰  
未也玉曰并吞四夷飲枯河海跋越九州無所  
容止身大四塞愁不可長據此跚天迫不得仰  
一作得能

小言賦

宋玉

楚襄王既登陽雲之臺令一作命諸大夫景差唐  
勒宋玉等並造一作進大言賦賦畢一作卒而宋玉  
受賞王曰此賦之迂一無之字誕則極巨偉矣抑未  
備也且一陰一陽道之所貴小往大來剝復之  
類也是故卑高相配而天地位三光並照則小



大備能大而不能小此句無能高而不能下非兼通也能麗而不能細非妙工也然則上坐者未足明賞賢人有能為小言賦者賜之雲夢之田景差曰載氛埃兮乘剽塵體輕蚊翼形微蚤鱗聿一作建星一作星浮踊凌雲縱身經由鍼孔出入羅巾飄妙翩綿乍見乍泯唐勒曰折飛糠以為輿剖糝糟一作作糠以為舟泛然投乎枉水中淡若巨海之洪流憑蚋皆以顧盼附蠖蠓而遨遊準寧隱微以原存亡而不憂又曰館於蠅鬚宴于毫端烹虱脛切蟣肝會九族而同濟猶委餘

而不殫宋玉曰無內之中微物潛生比之無象言之無名蒙蒙一作夢滅景昧昧遺形超於大虛之域出於未地之庭織於毳末之微蔑陋於茸毛之方生視之則眇眇望之則冥冥離朱為之歎閔神明不能察其情二子之言磊磊皆不小何如此之為精玉曰善賜以雲夢之田

諷賦

宋玉

楚襄王時宋玉休歸唐勒讒之於王曰玉為人身體容冶口多微詞出愛主人之女入事大王願王疏之玉休還王謂玉曰玉為人身體容冶



口多微詞出愛主人之女入事寡人不亦薄乎  
王曰臣身體容冶受之二親口多微詞聞之聖  
人臣嘗出行僕飢馬疲正值主人門開主人翁  
出嫗又到市獨有主人女在女欲置臣堂上太  
高堂下太卑乃更於蘭房之室一作芝室止臣其中  
中有鳴琴焉臣援而鼓之為幽蘭白雪之曲主人  
之女翳承日之華披翠雲之裘更被白縠之單  
衫垂珠步搖來排臣戶曰上客一本上客字下有日高二字  
無乃飢乎為臣炊彫胡之飯烹一作煮露葵之羹  
來勸臣食以其翡翠之釵挂臣冠纓臣不忍仰

視為臣歌曰歲將暮兮日已寒中心亂兮勿多  
言臣復援琴而鼓之為秋竹積雪之曲主人之  
女又為臣歌曰內怵惕兮一本作怵惕之心兮徂玉牀橫  
自陳兮君之傍君不御兮妾誰怨日將至兮下  
黃泉玉曰吾寧殺人之父孤人之子誠不忍愛  
主人之女王曰止止寡人於此時亦何能已也

鈞賦

宋玉

宋玉與登徒子偕受鈞於玄洲止而並見於楚  
襄王登徒子曰夫玄洲天下之善鈞者也願王  
觀焉王曰其善柰何登徒子對曰夫玄洲鈞也



以三尋之竿八絲之線餌若蛆蟻釣如細鍼以  
出三赤之魚於數仞之水中豈可謂無術乎夫  
玄洲芳水餌挂繳鈎其意不可得退而牽行下  
觸清泥上則波颺玄洲因水勢而施之一作頡  
之頑之委縱收斂與魚沉浮及其解弛也因而  
獲之襄王曰善宋玉進曰今察玄洲之釣未可  
謂能持竿也又烏足爲大王言乎王曰子之所  
謂善釣者何玉曰臣所謂善釣者其竿非竹其  
綸非絲其釣非鍼其餌非蠟也王曰願遂聞之  
宋玉對曰昔堯舜湯禹之釣也以賢聖爲竿道

德爲綸仁義爲鈎祿利爲餌四海爲池萬民爲  
魚釣道微矣非聖人其孰能察之王曰迅哉說  
乎其釣不可見也宋玉對曰其釣易見王不察  
爾昔殷湯以七十里周文以百里興利除害天  
下歸之其餌可謂芳矣南面而掌天下歷載數  
百到今不廢其綸可謂紉矣群生寢其澤民氓  
畏其罰其釣可謂拘一作善矣功成而不隳名立  
而不改其竿可謂強矣若夫竿折綸絕餌墜釣  
決波涌魚失是則夏桀商紂不通夫釣術也今  
察玄洲之釣也左挾魚罾右執槁竿立于潢汙



之涯倚乎楊柳之間精不離乎魚喙思不出乎  
鮒鯁形容枯槁神色憔悴樂不役勤獲不當費  
斯乃水濱之役夫也已君王又何稱焉王若建  
堯舜之洪竿攄禹湯之脩綸投之於瀆視之於  
海漫漫群生孰非吾有其爲大王之釣不亦樂  
乎

舞賦

宋玉

楚襄王既遊雲夢將置酒宴飲謂宋玉曰寡人  
欲觴群臣何以娛之王曰臣聞激楚結風陽阿  
之舞材人之窮觀天下之至妙噫可進乎王曰

試爲寡人賦之王曰唯唯尔乃鄭女出進二八  
徐待姣服極麗姁媮致態貌嫵妙以妖冶紅顏  
曄其陽華眉連娟以增繞目流睇而橫波珠翠  
灼爍而照曜兮華袿飛鬢而雜織羅頤形影自  
整裝順微風揮若芳動朱唇紆清揚而抗音高  
歌爲樂之方其始興也若俯若仰若來若往雍  
容彫悵不可爲象羅衣從風長袖交橫駱驛飛  
散颯沓合并綽約閑靡機迅軀輕合場遞進案  
次而俟埒簇用妙夸容乃理軼態橫出現姿譎  
起迴身還入迫于急節紆形赴遠灌折飛縠蜮



飛續焱若絕遷延微笑退復次列觀者稱麗莫  
不怡悅

早雲賦

賈誼

惟昊天之大旱兮失精和之正理遙望白雲之  
蓬勃兮滄澹澹而妄止運清濁之瀕洞兮正重  
沓而並起崑隆崇以崔巍兮時彷彿而有似屈  
卷輪而中天兮象虎驚與龍駭相搏據而俱興  
兮妄倚儷而時有遂積聚而給沓兮相紛薄而  
慷慨若飛翔之從橫兮揚波怒而澎淖正一作雲  
惟布而雷動兮相擊衝而破碎或窈窕而四塞

兮誠若雨而不墜陰陽分而不相得兮更惟貪  
邪而狼戾終風解而霧散兮陵遲而堵潰或深  
潛而閉藏兮爭離而並逝廓蕩蕩其若滌兮日  
照照而無穢隆盛暑而無聊兮煎砂石而爛渭  
湯風至而合一作含熱兮群生悶滿而愁憤畎畝  
枯槁而失澤兮壤石相聚而為害農夫垂拱而  
無事兮釋其鉏耨而下淚憂疆一作壤畔之遇害  
兮痛皇天之靡惠惜稚稼之旱夭兮離天災而  
不遂懷怨心而不能已兮竊託咎於在位獨不  
聞唐虞之積烈兮與三代之風氣時俗殊而不



還兮恐功久而壞敗何操行之不得兮政治失  
中而違節陰氣辟而留滯兮戕暴至而沈沒嗟  
乎惜葉大劇何辜于天無恩澤忍兮嗇夫何寡  
德矣既已生之不與福矣來何暴也去何躁也  
孳孳望之其一作甚可悼也憭兮慄兮以鬱怫兮  
念思白雲腸如結兮終怨不雨甚不仁兮布而  
不下甚不信兮白雲何怨柰何人兮

虞賦

賈誼

妙彫文以刻鏤兮象巨獸之屈竒兮戴高角之  
峩峩負大鍾而顧飛美哉爛兮亦天地之大式

士不遇賦

董仲舒

嗚呼嗟乎遐哉邈矣時來曷遲去之速矣屈意  
從人非吾徒矣正身俟時將就木矣悠悠偕時  
豈能覺矣心之憂歟不期祿矣皇皇匪寧祗增  
辱矣努力掬蕃徒摧角矣不出戶庭庶無逼一作  
過矣重曰生不丁三代之盛隆兮而下三季之  
末俗以辨詐而期通兮貞士耿介而自束雖曰  
三省於吾身兮繇懷進退之惟谷彼寔繁之有  
徒兮指其白而為黑目信嫖而言眇兮口信辨  
而言訥鬼神不能正人事之變戾兮聖賢亦



不能開愚夫之違惑出門之不可以階往兮藏  
器又蚩其不容退洗心而訥言兮亦未知其所  
從也觀上古之清濁暉一作兮廉士亦榮榮而靡  
歸殷有卞隨與務光兮周武王有伯夷與叔齊  
卞隨務光遁迹於深淵兮伯夷叔齊登山而采  
薇使彼聖人其繇周遑兮矧舉世而同迷若伍  
真與屈原兮固亦無所復顧亦不能同彼數子  
兮將遠遊而終於吾儕之云遠兮疑一作懼荒塗  
而難踐憚君子之于行兮誠三日而不飯嗟天  
下之偕違兮悵無與之偕返孰若返身於素業

兮莫隨世而輪轉雖矯情而獲百利兮復不如  
正心而歸一善紛既迫而後動兮豈云稟性之  
惟褊昭同人而大有兮明謙光而務展遵幽昧  
於默足兮豈舒采而蘄顯苟肝膽之可同兮奚  
鬚髮之足辨也

梁王菟園賦

枚乘

脩竹檀欒夾池水旋菟園並馳道臨廣衍長冗  
板故徑於崑崙狼觀一作勸相物芴焉子有似乎  
西山西山陞陞邱一作邵焉隗隗卷露萎移峯巖  
崑崙魏蹙焉暴燖激煙一作微揚塵埃蛇龍奏林薄



竹遊風踊焉秋風揚焉滿庶庶焉紛紛紜紜騰  
踊雲亂枝葉翬散摩來惓惓焉谿谷沙石洄波  
沸日爰浸疾東流連焉鱗鱗陰發緒菲菲閭閭  
謹擾昆雞蜈蛙倉庚密切別鳥相離哀鳴其中  
若乃附巢蹇鷺之傳於列樹也攏攏若飛雪之  
重弗麗也西望西山山鵲野鳩一作鷺鷥鷓鴣  
鸚鵡鷓鴣翡翠鳩鴿守狗戴勝巢枝穴藏被塘  
臨谷聲音相聞喙尾離屬翱翔群熙交頸接翼  
闌而未至徐飛拉踏往來霞一作露水離散而沒  
合疾疾紛紛若塵埃之間白雲也予之幽冥究

之乎無端於是晚春早夏邯鄲襄國易陽之容  
麗人及其燕飾子相予雜選而往款焉車馬接  
軫相屬方輪錯轂接服何驂披銜跡蹶自奮增  
絕怵惕騰躍水意而未發因更陰逐心相秩奔  
一作奮又奪 隧林臨河怒氣未竭羽蓋繇起被以紅  
沫濛濛若雨委雪高冠扁焉長劔閑焉左挾彈  
焉右執鞭焉日移樂襄遊觀西園之芝芝成宮  
闕枝葉榮茂選擇純熟挈取含苴復取其次顧  
賜從者於是從容安步鬪雞走兔俛仰釣射煎  
熬炮炙極樂到暮若乃夫郊采桑之婦人兮桂



楊錯紆連袖方路摩眈長髮便娟數顧芳溫往  
來接神連未結已諾不分縹併進靖儻笑連便  
不可忍視也於是婦人先稱曰春陽生兮萋萋  
不才子兮心哀見嘉客兮不能歸桑葢蠶飢中  
人望柰何

美人賦

司馬相如

司馬相如美麗閑都遊於梁王梁王悅之鄒陽  
諧之於王曰相如美則美矣然服色容冶妖一作  
姣麗不忠將欲媚辭取悅遊王後宮王不察之  
乎王問相如曰子好色乎相如曰臣不好色也

王曰子不好色何若孔墨乎相如曰古之避色  
孔墨之徒聞齊饋女而遐逝望朝歌而迴車譬  
於防火水中避溺山隅此乃未見其可欲何以  
明不好色乎若臣者少長西土觸一作處獨居  
室宇遼廓莫與爲娛臣之東鄰有一女子雲髮  
豐艷蛾眉皓齒顏盛色茂景曜光起恒翹翹而  
西一作顧欲留臣而共止登垣而望臣三年于  
茲矣臣棄而不許竊慕大王之高義命駕東來  
一作而東途出鄭衛道由桑中朝發溱洧暮宿上宮  
上一作離宮間館寂寞雲虛門閤一作畫掩曖若



神居臣排其戶而造其堂一作室芳香芬烈黼帳

高張有女獨處婉然在牀竒葩逸麗淑一作素質

艷光覩臣遷延微笑而言曰上客何國之公子

所從來無乃遠乎遂設旨酒進鳴琴臣遂撫絃

為幽蘭白雪之曲女乃歌曰獨處室兮廓無依

思佳人兮情傷悲有美人兮來何遲日既暮兮

華色衰敢託身兮長自私玉釵挂臣冠羅袖拂

臣衣時日西夕玄陰晦冥流風慘冽素雪飄零

閑房寂謐不聞人聲於是寢具既設服玩珍竒

金鈿一作爐薰香黼帳低一作高垂裊褥重陳角枕

橫施女乃弛其上服表其藝衣皓體呈露弱骨

豐肌時來親臣柔滑如脂臣乃氣服一作脉定於內

心正于懷信誓且旦秉志不回翻然高舉與彼

長辭

古文苑卷第一



古文苑卷第二

賦

屏風賦

劉安

維茲屏風出自幽谷根深枝茂號為喬木孤生  
 陋弱畏金強族移根易土委伏溝瀆飄飄殆危  
 靡安措足思在蓬蒿林有樸檉然常無緣悲愁  
 酸毒天啓我心遭遇徵祿中郎善理收拾損朴  
 大匠攻之刻彫削斲表雖裂剝心質貞慤等化  
 器類庇蔭尊屋列在左右近君頭足賴蒙成濟  
 其恩弘篤何恩施遇分好沾渥不逢仁人永為



枯木

又屏風賦

羊勝

屏風鞞匝蔽我君王重葩累繡沓璧連璋飾以  
文錦映以流黃畫以古烈顛顛昂昂蕃后宜之  
壽考無疆

擣素賦

班婕妤

測平分以知歲酌玉衡之初臨見禽華以庶一作麗  
色聽一作忽霜鶴之傳音仲風軒而結睇對愁雲  
之浮沈雖松梧之貞脆豈榮彫其異心若乃廣  
儲懸月暉水流清桂露朝滿涼衿夕輕燕姜含

蘭而未吐趙女抽簧而絕聲改容飾而相命卷  
霜帛而下庭曳羅裙之綺靡振珠珮之精明若  
乃盼睐生姿動容多製弱態含羞妖風靡麗皎  
若明魄之升崖煥若荷華一作衣之昭晰調鈆無  
以玉其貌凝朱不能異其脣勝雲霞之邇日一作  
月似桃李之向春紅黛相媚綺組流光笑笑移  
妍步步生芳兩靨如點雙眉如張頰肌柔液音  
性閑良於是投香杵扣玫砧擇鸞聲爭鳳音梧  
因虛而調遠柱由貞而響沉散繁輕而浮捷節  
踈亮而清深含笙揔筑比玉兼金不填不篋匪



瑟匪琴或旅環而紆鬱或相參而不雜或將往  
而中還或已離而復合翔鴻爲之徘徊落英爲  
之颯沓調非常律聲無定本任落手之參差從  
風颺之遠近或連躍而更投或暫舒而長卷清  
寡鸞之命群哀離鶴之歸晚苟是時也鍾期改  
聽伯牙弛琴桑間絕響濮上傳音蕭史編管以  
擬吹周王調笙以象吟若乃窈窕姝妙之年幽  
閑貞專靜專一作之性符皎日之心甘首疾之病歌  
采綠之章發東山之詠望明月而撫心對秋風  
而掩鏡閱絞練之初成擇玄黃之妙匹逸一作準

華

準一作

裁於昔時疑形異於今日想嬌奢之或

至許椒蘭之多術勲陋製之無韻慮蛾眉之爲  
愧懷百憂之盈抱空千里兮飲淚侈長袖於妍  
袂綴半月於蘭襟表纖手於微縫庶見跡而知  
心訖泐路之遐復怨芳菲之易泯絕一作書旣封  
而重題笥已緘而更結慙行客而無言還空房  
而掩咽泣一作

請雨華山賦

劉向

崆嶮巍嶠嶷山清忽幽昧往曲勃林岑茅崔一作  
藿竭離安連迎崍通谷曼服愧奄草均阿阪殷



紛聲沸路遼遠調脩崒嶮寒服嶮冥冥蘭蔓

散峽靖靖

此雀反

休休溱溱路黍稷雲嶮忽

傳天下為深壑旅請今深渥水谷密請宜令所

出百鎗鎗清池涌泉淡州鳴

一作鳴

鴛翔噤噤殊

侶診賞懸若神悲哀

一作衰

但往

一作但住

不可語人

麋鹿麇麇休他他野牛勝握觸熊螿螿律怒佛

特林旅象犀庸遊山陵天陰且雨負日聆棠柘

梓桐搯捎母猴猿木戲手相持睭陽趨焚若風

時憚鴛飄陽鸞孔翠文章明豎

一作騰

曠苑倉游

山旁悝懶狐貉臨水凝渾兮不觸果必方蓋格

可為悝陵鯉難神龜春夏出游冬自根聖人親

之誠虞哉號拖

何不可勝亦路臨何為華山

逐貧賦

揚雄

揚子遁居

一作世

離俗獨

一作隱

處左隣崇山右接

曠野鄰垣乞兒終貧且窶禮薄義弊相與群聚

又惆悵失志呼貧與語汝在六極投棄荒遐好

為庸卒刑戮是加匪惟幼稚嬉戲土砂居非近

隣接屋連家恩輕毛羽義薄輕羅進不由德退

不受呵夕為滯客其意謂

一作若

何人皆文繡余

褐不完人皆稻梁我獨藜殮貧無寶玩何以接



歡宗室之燕為樂不繫徒行負債一作出處易

衣身服百役手足胼胝或耘或耔霑體露肌朋

友道絕進官一作亦凌遲厥咎安在職汝為之舍

汝遠竄崑崙之顛爾復我隨翰飛戾天舍爾登

山巖穴隱藏爾復我隨陟彼高崗捨爾入海汎

彼栢舟爾復我隨載沉一作記載浮我行爾動我

靜爾一作汝休豈無他人從我何求今汝去矣勿

復久留貧曰唯唯主人見逐多言益嗤心有所

懷願得盡舜昔我乃祖宗一作宣其明德克佐帝

堯誓為典則土階茅茨匪彫匪飾爰及世季縱

其昏惑號餐餐之群貪富苟得鄙我先人乃傲乃

驕瑤臺瓊榭一作室室一作華屋崇高流酒為池積

肉為嶠是用鵠逝不踐其朝三省吾身謂予無

譽處君之家所福祿如山忘我大德思我小怨

堪寒能耐一作耐暑少而習焉寒暑不忒等壽神仙

桀跖不顧貪類不干人皆重蔽一作閉子獨露居

人皆怵惕子獨無虞言辭既罄色厲目張攝齊

而興降階下堂誓將去汝適彼首陽孤竹之一作

二子與我連行余乃避席辭謝不直請不貳過

聞義則服長與汝一作尔居終無馱極貧遂不去



與我遊息

太玄賦

揚雄

觀大易之損益兮覽老氏之倚伏省憂喜之共  
 門兮察吉凶之同域噉噉著乎日月兮何俗聖  
 之暗燭豈惕怙一作寵以冒灾容一作兮將噬臍之  
 不及若飄風不終朝兮驟雨不終日雷隱隱一作  
 隆而輒息兮火猶熾而速滅自天物有盛衰兮  
 况人事之所極奚貪婪於富貴兮迄喪躬而危  
 族豐盈禍所棲兮名譽怨所集薰以芳而致燒  
 兮膏含肥而見炳翠羽嫩而殃危一作身兮蚌含

珠而擘裂聖作典禮一作以濟時兮驅蒸民而入

甲一作張仁義以為綱兮懷忠貞以矯俗指尊

選以誘世兮疾身歿而名滅豈若師由聃兮執  
 玄靜於中谷納僞祿於江淮兮楫松喬於華岳  
 升崑崙以散髮兮踞弱水以濯足朝發軔於流  
 沙兮夕翱翔乎碣石忽萬里而一頓兮過列仙  
 以託宿役青要以承戈弋一作兮舞馮夷以作樂  
 聽素女之清聲兮觀宓妃之妙曲茹芝英以禦  
 餓兮飲玉醴以解渴排閭闔以窺天庭兮騎驊  
 騮以踟躕載羨門與儷游兮永覽周乎八極亂



曰甘餌含毒難數嘗兮麟而可羈近犬羊兮鸞  
鳳高翔戾青雲兮不掛網羅固足珍兮斯錯位  
極離大戮兮屈子慕清葬魚腹兮伯姬曜名焚  
一作厥身兮孤竹二子餓首山兮斷跡屬婁何  
足稱云一作兮辟譬一作斯數子智若淵兮我異於  
此執太玄兮蕩然肆志不拘羣兮

### 蜀都賦

蜀都之地古曰梁州禹治其江濱白羊弥望鬱

南則有捷狎潛夷昆明峩眉絕限岷塘堪巖亶  
翔靈山揭其右離堆被其東於近則有瑕英茵芝  
王石江珠於遠則有銀鉛錫碧馬犀象棘西有鹽  
泉鐵冶橘林銅陵邛連盧池澹漫波淪其旁則有  
期牛兕旄金馬碧雞北則有岷山外羌白馬獸則麇  
羊野麋罷犂獬豸麋麇麝戶豹能黃獬胡雖  
獲援緇獮獠猶毅畢方尔乃倉山隱天岌嶮迴叢增  
嶮重萃岵石岷崔崑嶽嶼霜雪終夏叩巖嶺嶙  
崇隆臨柴諸徼岷岷五砣參羌湔山巖巖觀上岑  
嵩龍陽累峴淮祭交倚堆嶽嶽集嶮脇施形精



出偈堪嶂隱倚彭門鳴峴峴峴峴方彼碑地輒  
岌輻解礫乎岳岳北屬崑崙泰極涌泉醴凝水流  
津漉集成川於是乎則左沉犁右羌庭漆水淳其凶  
都江漂其涇乃溢乎通溝洪濤溶沈千溪萬谷合流  
逆折必滯乎爭降湖漕排碣反波逆渾礪石冽巘  
紛苒周溥旋溺冤綏頽慚博岸敵呷粹瀨磴巖  
檣汾汾忽溶闔沛踰窘出限連混阨隧鉦釘鐘涌  
聲謹薄泮龍歷豐豈隆潛潛

雷扶電擊

鴻鴻康溢速遠乎長喻馳山下卒湍降疾流分川  
並注合乎江州於木則搜櫟豫章樹榜檐櫨禪押

青稚雕梓扮梧檀捩榭猶木稷枿信揖叢俊幹  
湊集批擠抉揭北沈檣倚從風推參崖撤接涇淫  
溶溶繽紛幻靡汎閔野望芒芒菲菲其竹則鍾龍簏  
篁野篠紛鬯宗生族攢俊茂豐美洪溶忿葦紛楊  
搔翕與風披拖夾江緣山尋卒而起結根才業填衍  
迥野若此者方手數千百里於汜則注注漾漾積  
土崇堤其淺濕則生蒼葭蔣蒲藿茅青蘋草葉蓮  
藕茱華菱根其中則有翡翠鴛鴦鸕鷀鷺鷥霍  
鷓鷯鷄其深則有獮獺沈鰕水豹蛟虵龜蠃鼈龜  
衆鱗鰵鱖尔乃其都門二九四百餘閭兩江飾其市九橋



帶其流武儋鎮都刻削成蕪王基旣夷獨侯尚叢并  
石石屏岫岑倚從秦漢之徒元以山東是以墮山厥饒  
水貢其獲苴竹浮流龜磧竹石蝸相救魚酌不收滄鳥  
鷓鴣鷓風胎雨馘衆物駭目單不知所禦尔乃其裸羅  
諸圃啟緣吟黃甘諸柘柿桃李枇杷杜楸栗柰棠  
黎離支雜以挺橙被以櫻梅樹以木蘭扶林禽燭般  
閔旁支何若英絡其間春机揚柳裏弱蟬抄扶施  
連卷貍貍糖蟻子嚮呼焉尔乃五穀馮戎瓜瓠饒  
多卉以部麻往往薑梔附子巨蒜木艾椒薤藟醬  
醑清衆獻儲斯盛冬育荀舊菜增加百華投春隆

隱芬芳蔓茗熒翠蕊青黃麗靡螭燭若揮錦布  
繡望芒芒子於無塩尔乃其人自造竒錦統纓纏  
頰繆緣盧中發文揚采轉代無窮其布則細都弱  
折綿繭成衽阿麗織靡避晏與陰蜘蛛作絲不可  
見風箏中黃潤一端數金雕鏤鈎一作鈎東西鱗集南北  
並湊馳相逢周流往來方轆齊馘隱軫幽鞞埃敦塵  
拂萬端異類崇戎總濃般旋闐齊咭楚而喉不感槩  
万物更湊四時迭代被不折貨我罔之械財用饒贍蓄  
積備具若夫慈孫孝子宗厥祖祔鬼祭祀練時選  
日瀝豫齊戒龍明衣表玄穀儷吉日異清濁合踈



明綏離旅乃使有伊之徒調夫五味甘甜之和勻藥  
之羹江東鮑鮑隴西牛羊糴米肥嗜麇麇不行鴻  
鵠獠乳獨竹孤鶻炮鷄被紕之胎山麇困隋腦水遊之  
腴蜂豚應鴈孺擊被鷓鴣初乳山鶴既交  
春羔秋颯膾鮫龜肴杭田孺驚鳥形不及勞五  
肉七菜膠馱腥臊可以練神養血睡者莫不  
畢陳尔乃其俗迎春送百金之家千斤之公  
乾池泄澳觀魚于江若其吉日嘉會期於倍  
春之陰迎夏之陽侯羅司馬郭范畝楊置酒  
乎榮川之間宅設坐乎華都之高堂延帷揚幕

接帳崗衆器雕琢早刻將皇朱緣之畫邠盼  
麗光龍虵蛭蜷錯其中禽獸竒偉髦山林昔  
天地降生壯鄜密促之君則荆上三兄之相厥  
女作歌是以其聲呼吟靖領激啣喝啾戶音六  
成行夏低徊胥徒入冥及廟嗜吟諸連單情舞  
曲轉節踣馭應聲其佚則接芬錯芳檐祐織  
延躡淒秋發陽春羅儒吟吳公連眺朱顏離  
絳脣眇眇之態吡噉出焉若其遊怠魚戈群  
公之徒相與如平陽頽臣沼羅車百乘期會投  
宿觀者方隄行船競逐偃衍撇曳絺索恍惚



羅畏弥澣蔓蔓沕沕龍睢嚙房霖布列枚  
孤施兮織繳出驚雌落兮高雄颺翔雖掛兮  
奔縈畢俎飛膾沈單然後別

甘泉宮賦

劉歆

軼凌陰之地室過陽谷之增城迴天門而鳳舉  
躡黃帝之明庭冠高山而爲居乘崑崙而爲宮  
按軒轅之舊處居北辰之關中背共工之幽都  
向炎神之祝融緣石關之天梯桂木雜而成行  
芳彤鬻之依斐鸞鳳孔雀而翱翔鳳凰止而集  
之甘醴涌於中庭離宮特館接比相連雲起波

駭星布彌山高巒峻阻臨洮廣衍深林蒲葦涌  
水清泉芙蓉菡萏葭菱華蘋藻豫章雜木椶松柞  
棧女貞烏勃桃李棗櫻

遂初賦

遂初賦者劉歆所作也歆少通詩書能屬文  
成帝召爲黃門侍郎中壘校尉侍中奉車都  
尉光祿大夫歆好左氏春秋欲立於學宮時  
諸儒不聽歆乃移書太常博士責讓深切爲  
朝廷大臣非疾求出補吏爲河內太守又以  
宗室不宜典三河徙五原太守是時朝政已



多失矣歆以論議見排擯志意不得之官經  
歷故晉之域感今思古遂作斯賦以歎征事  
而寄已意

昔遂初之顯祿兮遭閭闔之開通蹠三台而  
上征兮入北辰之紫宮備列宿於鉤陳兮擁大  
常之樞極揔六龍於駟房兮奉華蓋於帝側  
惟太階之侈闊兮機衡爲之難運懼魁杓之前  
後兮遂隆集於河濱遭陽侯之豐沛兮乘素  
波以聊戾得玄武之嘉兆兮守五原之烽燧  
二乘駕而旣俟僕夫其而在 馳太行之嚴防

兮入天井之喬關歷山岡岑以升降兮馬龍騰以  
起攄無雙駟以優遊兮濟黎侯之舊居心滌  
蕩以慕遠兮迴高都而北征劇彊秦之暴虐  
兮吊趙括於長平好周文之嘉德兮躬尊賢  
而下士駑駘馬而觀風兮慶辛甲於長子哀襄  
周之失權兮數辱而莫扶執孫蒯于屯留兮  
救王師於途吾過下 而歎息兮悲平公之  
作臺背宗周而不卹兮苟偷樂而惰怠枝葉  
落而不省兮公族闐其無人曰不爨而俞甚兮  
政委弃於家門載約屨而正朝服兮降皮弁



以爲履寶礫石於廟堂兮面隋和而不眦始  
建襄而造亂兮公室由此遂卑憐後君之寄寓  
兮唁靖公於銅鞮越侯甲而長驅兮釋叔向之  
飛患悅善人之有救兮勞祁奚於太原何叔子  
之好直兮爲群邪之所惡賴祁子之一言兮幾  
不免乎徂落霍美不必爲偶兮時有差而不  
相及雖韞寶而求賈兮嗟千載其焉合昔仲  
尼之淑聖兮竟隘窮乎蔡陳彼屈原之貞專  
兮卒放沉於湘淵何方直之難容兮柳下黜  
而三辱遽瑋抑而再犇兮豈材知之不足揚

蛾眉而見妬兮固醜女之情也曲木惡直繩  
兮亦小人之誠也以夫子之博觀兮何此道之  
必然空下時而矐世兮自命已之取患悲積  
習之生常兮固明智之所別叔群旣在阜隸  
兮六卿興而爲桀荀寅肆而顓恣兮吉射叛  
而擅兵憎人臣之若茲兮責趙鞅於晉陽軼  
中國之都邑兮登句注以陵厲歷鴈門而入  
雲中兮超絕轍而遠逝齊臨沃而遙思兮垂  
意兮邊都野蕭條以寥廓兮陵谷錯以盤紆  
飄寂寥以荒昫兮沙埃起之杳冥迴風育其



飄忽兮迴颭颭之泠泠薄涸凍之凝滯兮蕪  
谿谷之清涼積雪之皚皚兮涉凝露之降霜  
揚電霰之復陸兮慨原泉之凌陰激流澌之  
滂滂兮窺九淵之潛淋颭悽愴以慘怛兮憾  
風溲以冽寒獸望浪以穴竄兮鳥脇翼之浚  
浚山蕭瑟以鷓鳴兮樹木壞而哇吟地坼裂  
而憤忽急兮石捌破之岌岌天烈烈以厲高  
兮廖垆窻以梟宰鴈邕邕以遲遲兮野鶴鳴  
而嘈嘈望亭隧之皦皦兮飛旗幟之翩翩回  
百里之無家兮路脩遠之綿綿於是勒障塞

而固守兮奮武靈之精誠攄趙奢之策慮兮  
威謀完乎金城外折衝以無名兮內撫民以  
永寧既邕容以自得兮唯惕懼於坐寒攸潛  
溫之玄室兮滌濁穢於太清及情素於寂寞  
兮居華艸之冥冥玩書琴以條暢兮考性命  
之變態運四時而覽陰陽兮揔萬物之珍恠  
雖窮天地之極變兮曾何足乎留意長恬淡  
以懽娛兮固賢聖之所喜亂曰 幽潛德含  
聖神兮抱竒內光自得貢兮寵幸浮寄竒無  
常兮寄之去留亦何傷兮大人之度品物齊



兮舍位之過忽若遺兮求位得位固其常兮  
守信保已比者彭兮

首陽山賦

杜篤

嗟首陽之孤嶺形勢窟其盤曲面河源而抗巖  
隴埳隈而相屬長松落落卉木蒙蒙青羅落漠  
而上覆穴溜滴瀝而下通高岫帶乎巖側洞房  
隱於雲中忽吾覩兮二老時采薇以從容於是  
乎乃訊其所求問其所循州域鄉黨親戚儔疋  
何務何樂而並茲遊矣二老乃荅余曰吾躬之  
遺民者也厥胤孤竹作蕃非湄少名叔齊長曰

伯夷聞西伯昌之善教育年艾於黃耆遂相攜  
而隨之冀寄命乎餘壽而天命之不常伊事變  
而無方昌伏事而畢命子忽覩其不祥乃興師  
於牧野遂干戈以伐商乃棄之而來遊擔不少  
於其鄉余閉口而不食並卒命乎山傍

竹扇賦

班固

青青之竹形兆直妙華長竿紛寔翼杳篠叢生  
於水澤疾風時紛紛一作蕭颯削爲扇翣成器  
美託御君王供時有度量異好有圓方來風辟  
暑致清涼安體定神達消息百王傳之賴功力



壽考康寧累萬億一本來風堪辟暑

琴賦

傳毅

歷松岑而將降睹鴻梧於幽阻高百仞而不枉  
對脩條而特處蹈通涯而特遊圖茲梧之所宜  
信雅琴之麗樸乃弁伐其孫枝遂雕琢而成器  
揆神農之初制盡聲變之奧妙杼心志之鬱滯

九宮賦

黃香

伊黃虛一作虞又靈之典度存乎文昌之會宮翳華  
蓋之葳蕤依上帝以隆崇一作促璇璣而布政  
揔四七而持綱和日月之光曜均節度以運行

序列宿之煥爛咸垂景以煌煌歷天陰之晦暗

陽玉石以炳明鏡大道之浩廣泐沉湊以塊北

一作決沉眄旭歷而銳銀一作銳廓岷岬以閱閭

即蹴縮以檄孺坎燧援以涓揚一作涓一一作酒陽一作駟一作

駟駟驕以差羗一作羗羸磋磔皓皜以駿樂一作駿

銀拂律以順游徑闐闐而出玉房謁五嶽而朝

六宗對祝融而督勾芒蕩翊翊而敞降聊優游

以尚陽一作徭蹠崑崙而蹈碣石跪底柱而跨太

行肘熊耳而據桐栢介嶠家而持外方浣彭蠡

而洗北海淬五湖而漱華池粉白沙而噉定容



卷南越以騰歷連明月以為懸剝駭雞以為釵  
繞績組而攝雲鬱垂獨壘而服離袿戴窠爰而  
帶繚繞曳陶匏以委蛇一作馳乘根車而駕神馬  
驂馭駒而使窮竒使織女驂乘王良為之御三  
台執兵而奉引軒轅乘馭驢而先驅招搖豐隆  
騎師子而使較名先後以為車雲左青龍而右  
紫鷲前七星而後騰蛇徵太一而聚羣神趣熒  
惑而叱太白東井輟一作輟輟而播一作潘洒彗勃佛  
仿以捎擊四微塵又作於干道絕引者而驚鞞  
蚩尤之倫玢璘而要班爛垂又作金干而捷又

雄戟操巨檠又臣之礮弩齊佩機而鳴廓狼狐  
彭張而外饗枉矢持芒以岵嶸迅衝風而突飛  
電振雲崕岫而土空山龍狡猾又作而蹴踐蛩  
走扎揭而獠桔梗一作縹標略獲而突列蛸槁  
律屈而却梁黨巷澹而觸螟蜒扶一作砮礮一作  
而扑雷公標擊缺而拂勃決奮雲旗而推又鴻  
鐘聲淳淪又作以純侖四海澹而柘地梁又  
一本無碎太山而刺嵩吸江河而嘜九江登蕉  
堯之釐臺闕天門而閃帝宮享嘉命而延壽樂  
斯宮之無窮



鉞縷賦

曹大家

鎔秋金之剛精形微妙而直端性通遠而漸進  
博庶物而一貫惟鉞縷之列迹信廣博而無原  
退逶迤以補過似素絲之羔羊何斗筭之足筭  
咸勒石而升堂

圍碁賦

馬融

略觀圍碁兮法於用兵三尺之局兮為戰鬪場  
陳聚士卒兮兩敵相當拙者無功兮弱者先亡  
自有中和兮請說其方先據四道兮保角依旁  
緣邊遮列兮往往相望離離馬目兮連連鴈行

蹕度間置兮徘徊中央違閣奮翼兮左右翱翔  
道狹敵眾兮情無遠行碁多無策兮如聚群羊  
駱驛自保兮先後來迎攻寬擊虛兮踰踰內房  
利則為時兮便則為強馱於食兮壞決垣墻堤  
潰不塞兮泛濫遠已橫行陣亂兮敵心駭惶迫  
兼碁雅兮頗棄其裝已下口兮鑿置清坑窮其  
中罨羅兮如鼠入囊收死卒兮無使相迎當食  
不食兮反受其殃勝負之操兮一作策於言如髮  
乍緩乍急兮上且未分白黑紛亂兮於約如葛  
雜亂交錯兮更相度越守視不同一作固兮為所



唐突深入貪地兮殺亡士卒狂攘相救兮先後  
并沒上下離遮又雜兮四面隔閉圍合罕散兮  
所對哽咽韓信將兵兮難通絕自陷死地  
兮設見權譎誘敵允行兮往往一室損碁委食  
兮三將七遲逐爽問兮轉相伺密商度地道兮  
道碁相連結蔓延連閣兮如火不滅扶䟽布散  
兮左右流溢浸淫不振兮敵人懼慄迫促蹶踣  
兮惆悵自失計功相除兮以時各一作名訖事  
留變生兮拾碁欲疾營惑窘乏兮無令詐出深  
念遠慮兮勝乃可必

鬪髀賦

張衡

張平子將遊目於九野觀化乎八方星回日運鳳  
舉龍驤南遊赤野北一作幽鄉西經昧谷東極  
浮桑於是季秋之辰微風起涼聊回軒駕左翔  
右昂步馬于疇阜逍遙乎陵岡顧見鬪髀委於  
路旁下居淤壤上有玄霜張平子悵然而問之曰子  
將并糧推命以天逝乎本喪此土流遷來乎為  
是上智為是下愚為是女子為是丈夫於是蕭  
一作蕭然有靈一作聲但聞神響不見其形荅曰吾宋人也  
姓莊名周遊心方外不能自修壽命終極來而玄



幽公子何以問之對曰我欲告之於五岳禱之於神  
祇起子素骨反子四支取耳北坎求目南離使東  
震獻足西坤授腹五內一作骨內皆還六神皆復子欲  
之不乎髑髏曰公子言之殊難也死為休息生  
為役勞冬冰之凝何如春冰之消榮位在身不  
亦輕於塵毛巢許所耻伯成所逃况我已化與  
道逍遙離朱不能見子野不能聽堯舜不能賞  
桀紂不能刑虎豹不能害劒戟不能傷與陰陽  
同其流與元氣合其朴以造化為父母天地為  
牀蓐雷電為鼓扇日月為燈燭雲漢為川池星

宿為珠玉合體自然無情無欲澄之不清混之  
不濁不行而至不疾而速於是言卒響絕神光  
除滅顧時發軫乃命僕夫假之以縞中衾之以  
玄塵為之傷涕酌於路濱

冢賦

張衡

載輿載步地勢是觀降此平土陟彼景山一升  
一降乃心斯安爾乃隳巍山平險陸刊藜林鑿  
盤石起峻龍構大槩高岡冠其南平原承其北  
列石限其壇羅竹藩其域系以脩隧洽以溝瀆  
曲折相連迤靡相屬乃樹靈木靈木戎戎繁霜



峩峩匪雕匪琢周旋顧眄亦各有行乃相厥宇  
乃立厥堂直之以繩正之以日有覺其林以構  
玄室奕奕將將崇棟廣宇在冬不涼一作寒在夏  
不暑祭祀是居神明是處脩墜之際亦有掖門  
掖門之西十一餘半下有直渠上有平岸舟車  
之道交通舊館寒淵慮弘存不忘亡恢厥廣壇  
祭我兮子孫宅兆之形規矩之制希而望之方  
以麗踐而行之巧以廣幽墓旣美鬼神旣寧降  
之以福於以之平如春之卉如日之升

函谷關賦

李尤

惟皇漢之休烈兮包八極以據中混無外之盪  
盪兮惟唐典之極崇萬國喜而洞洽兮何天衢  
以流通襟要約之險固兮制關鍵以擒非其南  
則有蒼梧荔浦離水謝沐涯浦零中以窮海陸  
於北則有蕭居天井壺口石徑貫越伐朔以臨  
胡庭緣邊邪指陽會玉門凌測龍堆或置於西  
則有隨隴武夷白水江零汚漢阻曲路由山泉  
舊水遼濫沐落是經迺周覽以汎觀兮歷衆關  
以遊目惟夸閼之宏麗兮羌莫盛於函谷施雕  
龍若以作好建峻敞之堅重殊中外以隔別翼巍



魏之高宗命尉臣以執鑰統羣類之所從嚴固  
守之猛厲操戈鉞而普聰蕃鎮造而惕息侯伯  
過而震惶惟函谷之初設險前有姬之苗流嘉  
尹喜之望氣知真人之西遊爰物色以遮道爲  
著書而肯留自轍之東遷秦虎視乎中州文馳  
齊而懼追譎雞鳴於狗偷睢背魏而西逝托衾  
衣以免搜大漢承弊以建德革厥舊而運脩准  
令宜以就制因茲勢以立基蓋可以詰非司邪  
括執喉咽季末荒戍墮闕有年天閔羣黎命我  
聖君稽符皇乾孔適河文中興再受二祖同勲

永平承緒欽明奉循上羅三關下列九門會萬  
國之玉帛徠百蠻之貢琛冠蓋紛其雲合車馬  
動而雷奔察言服以有譏捐繻傳而勿論于以  
廓襟度於神聖法易簡於乾坤

### 大赦賦

崔寔

惟漢之十一年四月大赦滌惡棄穢與海內更  
始亶亶乎思隆平之進也寔就而賦焉  
以爲五帝異世三王殊事然其承天據地興修  
法制一也陛下以苞天之宏承前聖之迹朝乾  
乾於萬幾夕處敬而厲惕然猶痛刑之未措厥



將大赦天下所以創太平之迹旗頌聲之期新  
邦家而更始垂祉羨乎將來此誠不可奪也方  
將披玄雲照景星獲嘉禾於疆畝數冀莢於階  
庭捫騏驎之內角聆鳳凰之哢鳴農夫歡於時  
雨工女樂於機聲雖義皇之神化尚何斯之太  
寧

古文苑卷第二

古文苑卷第三

賦

夢賦

王延壽

臣弱冠嘗夜寢見鬼物與臣戰遂得東方朔與  
臣作罵鬼之書臣遂作賦一篇叙夢後人夢者  
讀誦以却鬼數數有驗臣不敢蔽其詞曰  
余宵夜寢息乃忽有非常之夢其為夢也悉覩  
鬼物之變恠則有蛇頭而四角魚尾一作首而鳥  
身或三足而六眼龍形而似人羣行而奮搖忽  
來到吾前伸臂而舞手意欲相引牽於是夢中



驚怒膈臆紛紛曰吾含天地之淳和何妖孽之  
敢臻尔乃揮手振奮一作奮拳雷發電舒前游光斬  
猛猪一作批黠毅斫魁虛捐颯颯拂諸渠撞縱  
目打三顧撲茗蕘扶夔矍若蕘一作颯搏一作睨  
蹴睢盱剖列蹙掣羯孽剝尖鼻踏赤古挈傖甯  
揮髯鬚於是手足俱中捷獵摧拉澎淖跌抗措  
倒批筰強梁捶捋剝捺予搃搥黠施額一作  
躡抨橙軋於是群邪衆魅駭擾遑遽煥衍叛散  
乍留乍去變形瞪眄顧望猶豫吾於是更奮竒  
譎脉捧獲噴扼撓峴撻扼一作振咿嘜批搗噴於是

三三四四相隨佞傍而歷僻礧礧磕磕拑齊亥  
一作精布言言譽譽一作譽鬼驚魅怖或盤跚而  
欲走或拘攣而不能步或中瘡而宛轉奄霧消  
而光散寂不知其何故嗟妖邪之恠物敢干真  
人之正度耳啣嘈而外朗忽屈申而覺寤於是  
雞知天曙而奮羽忽嘈然而自鳴鬼聞之以迸  
走心惴怖而皆驚亂曰齊桓夢物而以霸兮武  
丁夜感得賢佐兮周夢九齡年克百兮晉文監  
腦國以竟一作競兮老子役鬼為神將兮轉禍為  
福永無恙兮



王孫賦

王延壽

原天地之造化實神偉以屈竒道玄微以密妙  
 信無物而不為有王孫之狡獸形陋觀而醜儀  
 顏狀類乎老公軀體似乎小兒眼眶暈以眈一作  
 眈一作邱視職睫以映瞳突高匡而曲頰一作矐一作嬰  
 呼一作歷一作切歷而隳離鼻鞋鞞以鞞鞞目聿役以啗  
 知口嗛咩以齡一作齧一作齧脣鞞啣以破視齒崖崖  
 以齧齧嚼咀啖而囁兒儲糧食於兩頰稍委輸  
 於胃脾蹇兔蹲而猪一作狗一作距聲歷鹿而啞啞或  
 囁囁而噉噉又啗一作噉一作而若啼姿僭儼而抵

一搃一作贛豁盱閱以瑣一作頤一作醢一作醢一作晚貽賤而曉  
 賜既睠矐而踈髮生深山之茂林處蘄巖之嶽  
 崎性獯獯以播疾態峯出而橫施緣百仞之高  
 木攀窈裏之長枝背牢落之峻壑臨不測之幽  
 溪尋柯條以宛轉或捉腐而登危若將頽而復  
 着紛絀絀以陸離或羣跳而電透了一作瓜懸  
 而瓠垂上觸手而挈攫下值對一作足而登跖手  
 攀攬以狂接曼儵睞而電走將一作寥一作遼落以蕭  
 索乍睥睨以容與或躡一作躡一作跌以跳迸又咨嘖  
 而攢聚扶嶽峯以揀一作揀一作極躡危臬而騰舞忽



踊逸而輕迅，羗難得而覩。縷同甘苦於人類，好  
舖糟以飲醕，乃置酒於其側。競爭飲而踴馳，頽  
陋酌以迷醉，蒙眠睡而無知。暫拏髮一作以縫  
縛，遂纓絡而羈縻。歸鑠繫於庭廡，觀者吸呷一作  
而忘疲。

漢津賦

蔡邕

夫何大川之浩兮，洪流淼以玄清。配名位乎天  
漢，披厚土而載形。登源自乎嶓冢，引漾澧而東  
征。納陽谷之所吐兮，兼漢沔之殊名。揔畎澮之  
群液，演西土之陰精。遇萬山以左迴兮，旋襄陽  
而南縈。切大別之東山兮，與江湘乎通靈。嘉清  
源之勢體，澹澶澗以安流。鱗甲育其萬類兮，蛟  
龍集以嬉遊。明珠胎于靈蚌兮，夜光潛乎玄洲。  
雜神寶其充盈兮，豈魚龜之足收。

短人賦

侏儒短人，焦僂之後。出自外域，戎狄別種。去俗  
歸義，慕化企踵。遂在中國，形貌有部。名之侏儒，  
生則象父。唯有晏子在齊，辨勇匡景。拒崔加刃，  
不恐其餘。阨么劣廡，僂窶嘖嘖。怒語與人相拒，  
矇昧嗜酒。喜索罰舉，醉則揚聲。罵詈恣口，衆人







惟其翰之所生于季冬之狡兔性精亟以慄悍  
體遒迅以騁步削文竹以爲管加漆絲之纏束  
形調搏以直端染玄墨以定色書乾坤之陰陽  
讚宓皇之洪勳盡五帝之休德揚蕩蕩之明文  
紀三皇之功代考表八百之肆覲傳六經而綴  
百代考建皇極而序彝倫綜人倫於晻昧兮贊  
幽冥於明神象類多喻靡施不協上剛下柔乾  
坤位也新故代謝四時次也圓和正直規矩極  
也玄首黃管天地色也

協和昏賦

惟情性之至好歡莫偉乎夫婦受精靈之造化  
固神明之所使事深微以玄妙實人倫之所始  
考遂初之原本覽陰陽之綱紀乾坤和其剛柔  
艮兌感其晦腓葛覃恐其失時標梅求其庶士  
唯休和之盛代男女德乎年齒婚姻協而莫違  
播欣欣之繁祉良辰既至昏禮已舉二族崇飾  
威儀有序嘉賓僚黨祁祁雲聚車服照路驂駢  
如舉旣臻門屏結軌下車阿傳御堅鴈行蹉跎  
麗女盛飾曄如春華

琴賦



清聲發兮五音舉韻宮商兮動徵羽曲引興兮  
繁絲撫然後哀聲既發祕弄乃開左手抑揚右  
手徘徊抵掌反復抑按藏催於是繁絃既抑雅  
韻乃揚仲尼思歸鹿鳴三章梁甫悲吟周公越  
裳青雀西飛別鶴東翔飲馬長城楚曲明光走  
獸率舞飛鳥下翔感激絃歌一低一昂

胡栗賦

樹遐方之嘉木兮于靈宇之前庭通二門以征  
行兮夾堦除而列生彌霜雪之不彫兮當春夏  
而滋榮因本心以誕節兮凝育櫟之綠英形猗

猗以艷茂兮似翠玉之清明

柳賦

覽竝樹之豐茂紛旖旎以脩長枝扶踈而覃布  
莖摻捎以奮揚人情藏於舊物心惆悵以增慮  
行游目而廣望觀城壘之故處悟元正之話言  
信斯難而存懼嘉甘棠之不伐畏敢累於此樹  
苟迷跡而退之豈駕馳而不屢

述行賦

余有行于京洛遺淫雨之經時途迤邐遭其蹇連  
潦汙滯而爲災聊弘慮以存古宣幽情而屬辭



行游目以南望覽太室之威靈顧大河于北垠  
覩洛汭之始并率陵阿以登降赴偃師而精勤  
壯田橫之奉首義我二士之夾墳

彈碁賦

榮華灼爍萼不韡韡於是列象雕華逞麗豐腹  
斂邊中隱四企輕利調博易使馳騁然後我掣  
兵綦夸驚或風飄波動若飛若浮不遲不疾如  
行如留放一弊六功無與儔

溫泉賦

余適驪山觀溫泉浴神井美洪澤之普施乃爲

賦云陽春之月百草萋萋余在遠行顧望有懷  
遂適驪山觀溫泉浴神井風物巒壯厥類之獨  
美思在化之所原覽中域之珍恠無斯水之神  
靈控湯泉乎瀛洲濯日月乎中營蔭高山之北  
廷處幽屏以間清於是殊方跋一作交涉駿奔來  
臻士女曄其鱗萃紛雜還其如網亂曰天地之  
德莫若生兮帝育蒸人恣厥成兮六氣淫錯有  
疾癘兮溫泉汨焉以流穢兮蠲除苛慝服中正  
兮熙哉帝載保性命兮

請青衣賦



彼何人斯悅此艷姿麗辭美譽雅句斐斐文則  
可佳志卑意微鳳兮鳳兮何德之衰高岡可華  
何必棘茨醴泉可飲何必洿池隋珠彈雀堂溪  
刈葵鴛鴦啄鼠何異乎鴟歷觀古今禍福之階  
多由孽妾淫妻書戒牝雞詩載哲婦三代之季  
皆由斯起晉獲驪戎斃懷恭子有夏取仍覆宗  
絕祀叔肱納由听聲狼似穆子私庚豎牛餒已  
黃歇之敗從李園始魯受齊樂仲尼逝矣文公  
懷安姜笑其鄙周漸將衰康王晏起畢公喟然  
深思古道感彼關雎性不雙侶願得周公妃以

窈窕防微消漸諷諭君父孔氏大之列冠篇首  
晏嬰潔志不顧景女乃雋不疑奉霍不受見尊  
不迷况此麗豎三族元紀綢繆不序蟹行索妃  
旁行求偶昏無媒理宗廟無主門戶不名依其  
在所生女為妾生男為虜歲時酹祀詣其先祖  
或於馬廐厨間竈下東向長跪接狎觴酒悉請  
諸靈僻邪無主多乞少出銅大鐵柱積繒累億  
皆來集聚嫡婉歡心各有先後臧獲之類盖不  
足數古之贅娟尚猶塵垢况明智者欲作奴父



皇上感天威之溥烈思太昊之觀虞表林麓而  
廓萊藪剪荆梓而夷榛株於是鳳凰獻歷太僕  
駕具蚩尤先驅雨師清路止靈護陣方神蹕御  
羲和奉轡弭節西征翠蓋葳蕤鸞駕玲瓏山谷  
爲之炎泊丘陵爲之簸傾於是皇輿綢繆遷延  
容與抗天津於伊路曼遙集乎南圃大詔獠者  
競逐長驅輕車颺厲羽騎電駑合雲集波流雨  
馬蹂麋鹿輪麟狐兔弓不妄彎矢不虛舉鳥驚  
往羅獸矢遇

觀舞賦

客有觀舞於淮南者美而賦之曰  
音樂陳兮旨酒施擊靈鼓兮吹參差叛淫衍兮  
漫陸離於是飲者皆醉曰亦旣昊美人興而將  
舞乃修容而改服龍裳羅縠之雜錯申綢繆而自  
飾拊者啾其齊列盤鼓煥以駢羅抗脩袖以翳  
面展清聲而長歌歌曰驚雄遊兮孤雌翔臨歸  
風兮思故鄉搦纖腰以玄折嫺傾倚兮低昂增  
芙蓉之紅華兮光灼爍以發揚騰嫵目以顧盼  
盼爛爛以流光連翩絡繹乍續乍絕裾似飛鸞  
袖如迴雪於是粉黛弛兮玉質粲珠簪挺兮緇



髮亂然後飾筓整髮被纈垂縈同服駢奏合體  
齊聲進退無差若影追形

終南山賦

伊彼終南歸截嶙困槩青宮觸紫宸嶽峯鬱律  
萃于霞芬曖暉晻靄若鬼若神傍吐飛瀨上挺  
脩林立泉落落密陰沉沉榮期綺季此焉恬心  
三春之季孟夏之初天氣肅清周覽八隅皇鸞  
鸞驚警乃前驅尔其玠恠碧玉挺其阿密房

溜其巔翔鳳哀鳴集其上清水泌流注其前  
彭祖宅以蟬脫安期饗以延年唯至德之爲美

我皇應福以來臻掃神壇以告誠薦玠馨以祈  
仙嗟茲介福永終億年

浮淮賦

魏文帝

建安十四年王師自譙東征大興水運浮舟萬  
艘時余從行始入淮口行泊東山觀師徒觀旌  
帆赫哉盛矣雖孝武盛唐之狩舳艫千里殆不  
過也乃作斯賦云

沂淮水而南邁兮泛洪濤之湟波仰巖岡之崇  
阻兮經東山之曲阿浮飛舟之萬艘兮建干將  
之銛戈揚雲旗之繽紛兮聆榜人之謹譁乃撞



金鍾爰伐雷鼓白旄冲天黃越扈扈武將奮發  
驍騎赫怒

又浮淮賦

王粲

從王師以南征兮浮淮水而遐逝背渦浦之曲  
流兮望馬丘之高溘泛洪槽于中潮兮飛輕舟  
乎濱濟建衆櫓以成林兮譬無山之樹藝於是  
迅風興濤鉦鼓若雷旌麾翳日飛雲天回蒼鷹  
飄逸遞相競軼凌驚波以高駑馳駭浪波而赴  
質加舟徒之巧極美榜人之閑疾白日未移前  
驅已屆群帥按部左右就隊軸轡千里名卒億

計運竝威以赫怒清海隅之蒂芥濟元勲於一  
舉垂休績乎遠裔

述行賦

曹植

尋曲路之南隅觀秦政之驪墳哀黔首之罹毒  
酷始皇之爲君濯余身于秦井律湯液之若焚

大暑賦

王粲

惟林鍾之季月重陽積而上升喜潤土之溽暑  
扇溫風而至興獸狼望以倚喘鳥垂翼而弗翔  
遠昆吾之中景天地翕其同光征夫瘼於原野  
處者困於門堂患衽席之焚灼譬烘燎之在床



起屏營而東西欲避之而無方仰庭槐而嘯風  
風既至而如湯於是帝后順時幸九峻之陰岡  
託甘泉之清野御華殿於林光潛廣室之邃宇  
激寒流於下堂重屋百增垂蔭千廡九闥洞開  
周帷高舉堅冰常奠寒饌代叙

又大暑者賦

劉楨

其為暑也羲和揔駕發扶木太陽為輿達炎燭  
靈威參垂步朱轂赫赫炎天列列暉暉若熾燎  
之附體又溫泉而沉肌獸喘氣於玄景鳥戢翼  
於高危農畷捉罇而去疇織女釋杼而下機温  
風至而憎熱歎悒悒而無依披襟領而長嘯異  
微風之來思

又羽獵賦

王粲

相公乃乘輕軒駕四駱拊流星屬繁弱選徒命  
士威興揭作旌旗雲擾鋒刃林錯揚輝吐火曜  
野蔽澤山川於是乎搖蕩草木為之摧落禽獸  
振駭蒐亡氣奪舉首觸絲搖足遇捷陷心裂骨  
潰頸破頰鷹犬競逐奕奕霏霏墜者若雨僵者  
若坻清野滌原莫不殲夷

靈河賦

應瑒



咨靈川之遐源兮于崑崙之神丘凌增城之陰  
隅兮賴后土之潛流衝積石之重險兮披山麓  
之隘浮蹶龍黃而南邁兮紆鴻體而因流涉津  
洛之阪泉播九道乎中州汾瀕涌而騰鶩兮恒  
亶亶而徂征肇乘高而迅逝兮陽侯沛而震驚

白髮賦

左思

星星白髮生於鬢垂雖非青蠅穢我光儀策名  
觀國以此見疵將拔將鑷好爵是縻白髮將拔  
愨然自訴稟命不幸值君年莫偏迫秋霜生而  
皓素始覽明鏡惕然見惡朝生晝拔何罪之故

予觀橘柚一暘一晡貴其素華匪尚綠葉願哉  
子之手攝子之鑷咨尔白髮觀世之途靡不追  
榮貴華賤枯赫赫閭闔藹藹紫廬弱冠求仕童  
髫獻謨甘羅乘軫子竒剖符英英終賈高論雲  
衢拔白就黑此自在吾白髮臨拔瞋目號呼何  
我之冤何子之娛甘羅自以辨惠見稱不以髮  
黑而名著賈生自以良才見異不以烏鬢而後  
舉聞之先民國用老成二老歸周周道肅清四  
皓佐漢漢德光明何必去我然後要榮咨尔白  
髮事故有以尔之所言非不有理曩曩貴耆老今



薄舊齒皤皤榮期皓首田里雖有二毛河清難  
俟隨時之變見歎孔子髮乃辭盡誓以固窮昔  
臨玉顏今從飛蓬髮膚至昵尚不克終聊用擬  
辭比之國風

遊後園賦

謝朓

積芳兮選木幽蘭兮翠竹上蕪蕪兮陰景下田  
田兮被谷左蕙畹兮彌望右芝原兮寫目山霞  
起而削成水積明以經復於是敞風闥之藹藹  
聳雲館之迢迢周步檐以升降對玉堂之沈寥  
尔乃日栖榆柳霞昭夕陽孤蟬已散去鳥成行

惠氣湛兮帷殿肅清陰起兮池館涼

枯樹賦

庾信

殷仲文風流儒雅海內知名代異時移出為東  
陽太守常忽忽不樂顧庭槐而歎曰此樹婆娑  
生意盡矣至如白鹿貞松青牛文梓根柢盤魄  
山崖表裏桂何事而銷亡桐何為而半死昔之  
三河徙殖九畹移根開花建始之殿落實睢陽  
之園聲含嶰谷曲抱雲門將鷄集鳳比翼巢鴛  
臨風亭而唳鶴對月峽而吟猿乃有拳曲擁腫  
盤坳反覆熊彪顧眄魚龍起伏節豎一作山連



文橫水蹙匠石驚視公輸眩目雕鐫始就剗  
仍加乎鱗鎗甲落角摧牙重重碎錦片片真花  
紛披草樹散亂烟霞若夫松子古度平仲君遷  
森梢百頃槎枒千年秦則大夫受職漢則將軍  
坐焉莫不苔埋菌壓鳥剥蟲穿佞垂於霜露撼  
頓於風塵東海有白木之廟西河有枯桑之社  
北陸以楊葉爲關南陵以梅根作冶小山則叢  
桂留人扶風則長松繫馬豈獨城臨細柳之上  
塞落桃林之下若乃山河阻絕飄零離別拔本  
垂淚傷根流血火入空心膏流斷節橫洞口而

歌卧頓山要而半折文衰者合體俱碎理正者  
中心直裂戴癭銜瘤藏穿抱穴木魅賜一作睽  
山精妖孽况復風雲不感羈旅無歸未能採葛  
還成食薇沉淪窮巷蕪沒荆扉旣傷搖落彌嗟  
變衰淮南云木葉落長年悲斯之謂矣乃爲歌  
曰建章三月火黃河千里槎若非金谷滿園樹  
即是河陽一縣花栢大司馬聞而歎曰昔年移  
柳依漢南今看搖落悽愴江潭樹猶如此人何  
以堪一本木魅睽睽山精妖孽在膏流  
斷節之下橫洞口而歌卧之上



古文苑卷第三

古文苑卷第三詩各對詩五靈樹節吐此入河  
日集章三月八黃四千里對非金谷園樹  
靈葉自南云木葉各異平悲賦之體未以爲得  
山許知難  
中心直  
浩相動

古文苑卷第四

詩

栢梁詩

漢武帝元封三年作栢梁臺詔群臣二千石有能爲七言詩乃得上座

日月星辰和四時皇帝驂駕駟馬從梁來梁群國

士馬羽林材大司馬揔領天下誠難治丞相和撫四

夷不易哉大將軍刀筆之吏臣執之御史大夫撞鐘伐

鼓聲中詩大常宗室廣大日益滋宗正周衛交戟禁

不時尉衛尉揔領從官栢梁臺光祿勳平理請讞決嫌



疑尉廷修飭輿馬待駕來大僕群國吏功差次之鴻大

臚乘輿御物主治之少府陳粟萬石揚呂箕大司農

徼道宮下隨討治金吾三輔盜賊天下先左馮盜

阻南山為民災右扶風外家公主不可治京兆椒

房率更領其材詹事蠻夷朝賀常舍其典屬柱枿

薄櫨相枝持大匠枇杷橘栗桃李梅太官走狗走

兔張且罟上林齧妃女脣甘如飴郭舍迫窘詰

屈幾窮哉朔東方

古梁父吟中都縣有田強古治

步出齊城門遙望蕩陰里里中有三墓累累正

相似問是誰家墓田強古治子力能排南山文

能絕地紀一朝被讒言二桃殺三士誰能為此

謀國相齊晏子

錄別詩 李陵

有鳥西南飛熠熠似蒼鷹朝發天北隅暮聞日

南陵欲寄一言託之牋綵繒曰風附輕翼以

遺心蘊蒸鳥辭路悠長羽翼不能勝意欲從鳥

逝駕馬不可乘

爍爍三星列拳拳月初生寒涼應節至蟋蟀夜

悲鳴晨風動喬木枝葉日夜零遊子暮思歸塞



耳不能聽遠望正蕭條  
百里無人聲豺狼鳴後  
園虎豹步客庭遠處天  
一隅苦困獨零丁親人  
隨風散歷歷如流星三  
革離不結思心獨屏營  
願得萱草枝以解飢渴  
情

寂寂君子坐奕奕合衆  
芳溫聲何穆穆因風動  
馨香清言振東序良時  
著西庠乃命絲竹音列  
席無高唱悲意何慷慨  
清歌正激揚長哀發華  
屋四坐莫不傷

晨風鳴北林熠燿東南  
飛願言所相思日暮不  
垂帷明月照高樓想見  
餘光輝玄鳥夜過庭髮

髣能復飛褰裳路踟躕  
彷徨不能歸浮雲日干  
里安知我心悲思得瓊  
樹枝以解長渴飢

陟彼南山隅送子淇水  
陽爾行西南游我獨東  
北翔轅馬顧悲鳴五步  
一彷徨雙鳧相背飛相  
遠日已長遠望雲中路  
想見來圭璋萬里遙相  
思何益心獨傷隨時愛  
景耀願言莫相忘

鍾子歌南音仲尼歎歸  
與戎馬悲邊鳴遊子戀  
故廬陽鳥歸飛雲蛟龍  
樂潛居人生一世間貴  
與願同俱身無四凶罪  
何為天一隅與其苦筋  
力必欲榮薄軀不如及  
清時策名於天衢



鳳皇鳴高岡有翼不好飛安知鳳皇德貴其來  
見稀關

紅塵蔽天地白日何冥冥關

荅詩

蘇武

童童孤生柳寄根河水泥連翩遊客子千冬服  
涼衣去家千里餘一身常渴飢寒夜立清庭仰  
瞻天漢湄寒風吹我骨嚴霜切我肌憂心常慘  
戚晨風為我悲瑤光游何速行願支何遲仰視  
雲間星忽若割長惟低頭還自怜盛年行已衰  
依依戀明世愴恨難久懷

別李陵

雙鳧俱北飛一鳧獨南翔子當留斯館我當歸  
故鄉一別如秦胡會見何詎央愴恨切中懷不  
覺淚沾裳願子長努力言笑莫相忘

臨終詩

孔融

言多令事敗器漏苦不密河濱蟻孔端山壤由  
猿穴涓涓江漢流天窓通冥室讒邪害公正浮  
雲翳白日靡辭無忠誠華繁竟不實人有兩三  
心安能合為一三人成市虎浸漬解膠漆生存  
多所慮長寢萬一作事畢



離合作郡姓名字詩

漁父屈節水潛匿方與昔進止出行施張呂公  
磯釣盍口渭旁九域有聖無土不王好是正直  
女回子匡海外有截隼逝鷹揚六翮將奮羽儀  
未彰虵龍之蟄俾也可忘玳琬隱曜美玉韜光  
無名無譽放言深藏接轡安行誰謂路長

六言詩三首

漢家中葉道微董卓作亂乘衰僭上虐下專威  
萬官惶怖莫違百姓慘慘心悲

郭李分爭為非遷都長安思歸瞻望關東可哀

夢想曹公歸來

從洛到許魏魏曹公憂國無私減去厨膳甘肥  
羣僚率從祈祈雖得俸祿常飢念我苦寒心悲

雜詩二首

巖巖鍾山首赫赫炎天路高明曜雲門遠景灼  
寒素昂昂累世士結根在所固呂望老匹夫苟  
為因世故管仲小囚臣獨能建功祚人生有何  
常但患年歲暮幸記一作託不肖軀且當猛虎步  
安能苦一身與世同舉厝由不慎小節庸夫笑  
我度呂望尚不希夷齊何足慕



遠送親行客歲暮乃來歸入門望愛子妻妾向  
人悲聞子不可見日已潛光輝孤墳在西北常  
念君來遲寒裳上墟丘但見蒿與薇白骨歸黃  
泉肌骨乘塵飛生時識父死後知我誰孤魂遊  
窮暮飄飄安所依人生圖畫息爾死我念追俛  
仰內傷心不覺淚沾衣人生自有命但恨生日  
希

木蘭詩

不知名浙江西道觀察使兼御史中丞韋元甫聞續附入

促織何唧唧木蘭當戶織不聞機杼聲唯聞女  
歎息問女何所思問女何所憶女亦無所思女

亦無所憶昨夜見軍帖可汗大點兵軍書十二  
卷卷卷有耶名阿耶無大兒木蘭無長兄願為  
市鞍馬從此替耶征東市買駿馬西市買鞍韉  
南市買轡頭北市買長鞭旦辭耶孃去暮宿黃  
河邊不聞耶孃喚女聲但聞黃河流水鳴濺濺  
旦辭黃河去暮宿黑山頭不聞耶孃喚女聲但  
聞燕山胡騎聲啾啾萬里赴戎機關山度若飛  
朔氣傳金柝寒光照鐵衣將軍百戰死壯士十  
年歸歸來見天子天子坐明堂策勲十二轉賞  
賜一作賜物百千強可汗問所欲木蘭不用尚書郎



樂府作欲與木蘭願馳千里足送兒還故鄉耶

賞不願尚書郎孃聞女來出郭相扶將阿姊聞妹來當戶理紅

粧小弟聞姊來磨刀霍霍向猪羊開我東閣門

坐我西間床脫我戰時袍着我舊時裳當牕理

雲鬢挂鏡帖花黃出門看火伴火伴皆驚忙同

行十二年不知木蘭是女郎雄兔脚撲握一作

雌兔眼彌迷一作離覆一作兔傍地走安一作能

辨我是雄雌此

### 嘲執客

平生三伏時道里無行車閉門避暑卧出入不

相過只今褌襪子觸熱到人家主人聞客來頓

蹙奈此何謂當起行去安坐正咨嗟所說無一

急啾啾吟何多搖扇髀中疾流汗正滂沱莫謂

為小事亦是一瑕傳戒諸高明執行宜見呵

### 齊梁詩四十五篇

#### 侍遊西方山應詔

巡蠲望登年悵飲臨秋縣日羽鏡霜潯雲旗落

風甸四瀛良在目八寓婉如見小臣竊自嘉預

#### 奉栢梁讌

#### 遊仙詩



桃李不奢年桑榆多暮節常恐秋蓬根連翩因  
風雪習道遍槐岷追仙度瑤碣綠帙啓真詞丹  
經流妙說長河且已榮曾山方可礪  
獻歲和風起日出東南隅鳳斨亂煙道龍駕溢  
雲區結賞自貞嶠移讌乃方壺金卮浮水翠玉  
竿挹泉珠徒用霜露改終然天地俱

命駕瑤池隈過息羸女臺長袖何靡靡簫管清  
且哀壁門涼月舉珠殿秋風迴青鳥鶩高羽王  
母停玉盃舉手暫為別千年將復來

湘沅有蘭芷泊吾欲南征遺珮長出浦舉袂望

增城朱霞拂綺樹白雲照金楹五芝多秀色八  
桂常冬榮殂節且夷與參差聞鳳笙

命駕隨所即燭龍導輕驪沙澤振寒草弱水駕  
冰潮遠翔馳聲響流雪白飄颻忽與若人者長  
舉入雲霄羅澤徒有睨鷓明已寥寥

奉和南海王殿下詠秋胡妻

日月共為照松筠俱以貞佩分甘自遠結鏡待  
君明且協金蘭好方愉琴瑟情佳人忽千里幽  
閨積思生

其一



景落中軒坐悠悠望城闕高樹升夕煙曾樓蒲  
初月光陰非或異川山屢難越輟泣捨鈿姿搔  
首亂雲髮

其二

傾魂屢組火搖念待方秋涼氣承宇結明熠僚  
堦流三星亦虛映四屋慘多愁思君如萱草一  
見乃忘憂

其三

杼柚鬱不諧契闊彌新故翔風攔上發寒鳥林  
間度客遠乏衣裘歲晏饒霜露參差興別緒依

遲起離慕

其四

願言如何行信邁亦云反睇景不告勞瞻途寧  
遽遠何以淹歸轍蠶妾事春晚送目亂前華馳  
心迷舊婉

其五

椒珮容有結振芳跂路隅黃金徒以賦白珪終  
不渝明心良自皎安用久踟躕湍速反於巷流  
目下西虞

其六



栖玄寺聽講畢遊郊園

道勝業茲遠心閑地能隙桂掩鬱初栽蘭墀坦  
將闢虛檐對長嶼高軒臨廣液芳草列成行嘉  
樹紛如積流風轉還逕清煙泛喬石日治山照  
紅松暎水華碧暢哉人外賞遲遲眷西夕

別蕭諮議

任殿中叅

離燭有窮輝別念無終緒歧言未及申離目已  
先舉揆景空衡阿臨風長楸渚浮雲難嗣音徘徊  
悵誰與儻有關外驛聊訪狎鷗渚

王延

霏雲承永夜皓燭務馬離軒執酒愴誰與舉袖默  
何言忍茲君為別如此歲方暄年深北岫時鳥  
思南國園江上愁別日階下樹芳蓀

宗記室史

別酒正參差乖情將陸離悵焉臨桂苑憫默瞻  
華池輕雲流惠采時雨亂清漪眇眇追蘭逕攸  
攸結芳枝眷言終託何心寄方在斯

蕭諮議行

問我去何節光風正悠悠蘭華時未晏舉袂徒  
離憂緩客承別酒鳴琴和好仇清宵一已曙藐



爾泛長洲春言無歇緒深情附還流

蕭記室琛前夜以醉乖例今晝由醒敬應教

落日揔行轡薄別在江干遊客無淹期長洲有  
急瀾分手信云易相思誠獨難之子兩特達伊  
余日盤桓詠此式微歲共賞階前蘭

別蕭諮議又一首

徘徊將所愛昔別在河梁衿袖三處隔江山千  
里長寸心無遠近邊地有風霜勉哉勤歲暮敬  
矣事容光山川殊未憚杜若空爲芳

和王友古意二首

沈右率等並和  
數十人文多不載

遊禽暮知反行人獨未歸坐銷芳草氣空度明  
月暉嘖容入朝鏡思淚點春衣空山采雲合湛  
上綠條晞待君竟不至秋鴈霍霍飛

霜氣下盟津秋風度函谷念君淒已寒當軒卷  
羅縠織手廢裁縫曲鬢罷膏沐千里不相聞寸  
心鬱鬱紛蘊况復飛螢夜木葉亂紛紛

餞謝文學離夜

漢池水中帶空山雲似蓋澗汨背吳湖潺湲橫  
楚瀨一望沮漳水寧思江海會以我徑寸心從



君千里外

沈率約

差池鷺始飛  
羃歷草初輝  
離人悵東顧  
遊子去西歸  
清潮已架渚  
溽露復沾衣  
一乖當春聚  
方掩故園扉

虞駕部

陽臺霧初解  
夢渚水裁綠  
遠山隱且見  
平沙斷還續  
分絃饒苦音  
別唱多淒曲  
爾拂後車塵  
我事東臯粟

范通直雲

春夜別清樽  
江潭復為客  
歎息東流水  
如何故鄉陌  
重樹始芬蓋  
芳洲轉如積  
望望荆臺下  
歸夢相思夕

謝文學

所供共歌笑  
誰忍別笑歌  
離軒思黃鳥  
分渚夢青莎  
翻情結遠旆  
灑淚與行波  
春江夜明月  
還望情如何

王中書

執手無還顧  
別渚有西東  
荆吳眇何際  
煙波千里通  
春筍方解籜  
弱柳向低風  
相思將安寄  
悵



望南飛鴻

蕭記室

汀洲千里芳朝雲萬里色悠悠在天隅之子去  
安極春潭無與窺秋臺誰共陟不見一佳人徒  
望西飛翼

寒晚敬和何徵君點

劉中書

踈酌候冬序閑琴改秋律如何將暮天復值西  
歸日搖落迎軒牖飛鳴亂繩葦煙灌共深陰風  
篁兩蕭瑟虛堂無笑語懷君首如疾早輕北山  
賦晚愛東臯逸上德可潤身下澤有徐轡

別王丞僧

首夏實清和餘春滿郊甸花樹雜為綿月池皎  
如練如何如此時別離言與面留雜已鬱紆行  
舟亦遙衍非君不見思所悲思不見

學古貽王中書

范通直雲

攝官青瑗闥遙望鳳凰池誰言相去遠脉脉阻  
光儀岱山饒靈異沂水富英竒獨翮凌北海翻  
飛出南皮遭逢聖明後來棲桐樹枝竹花何莫  
莫桐葉何離離可栖復可食此外亦何為豈如  
顛顛者一粒有餘貲



雜體報范通直

和壁荆山下隨珠漢水濱無霍自昔代有美今  
為隣三楚多才士江上復才人緯綃非善賈聖  
德可名臣追飛且學步共子奉清塵紫庭風日  
好青槐枝葉新徘徊吹樓側欲見心所親例君  
蘭蕙草何用以書紳

賦物為詠得幔

謝文學

幸得與君綴幕歷君之楹月暎不辭卷風來輒  
自輕每聚金鑪氣時駐玉琴聲但願置樽酒蘭  
缸當夜明

琵琶

王中書

抱月如可明懷風殊復清絲中傳意緒花裏寄  
春情掩抑有竒態悽鏘多好聲芳袖幸時拂龍  
門空自生

箏

沈右軍

江南簫管地妙響發孫枝殷勤寄玉指合情舉  
復垂雕梁再三繞輕塵四五移曲中有深意丹  
心君詎知

奉和月下

雕雲度綺錢香風入珠網獨知此夜月依遲慕



神賞

奉和秋夜長

秋夜長夜長樂未央舞袖拂花燭歌聲繞鳳梁

四色詠

赤如城霞起青如松霧徹黑如幽都雲白如瑤池雪

奉和織織

兩頭織織綺上紋半白半黑鸚羣膈膈膊  
鳥迷曛磊磊落落玉石分

奉和代徐

自君之出矣芳蕕絕瑤厄思君如形影寢興未

曾離

并代徐

自君之出矣金爐香不然思君如明燭中宵空

自煎

詠梧桐

騫鳳影層枝輕虹鏡辰綠豈斲龍門幽直慕瑤

池曲

和王中書劉中書

露庭晚翻積風閨夜入多繁叢似亂蝶拂燭狀



聯蛾

阻雪連句遙贈和書

謝文學

風庭舞流霰冰池結文澌飲春雖以燠欽賢紛若馳

江秀才革

珠雲條間響玉雷閣下垂杯酒不相接寸心良共知

歌

林池歌

使宮人歌之

漢昭帝

秋素景兮泛洪波揮纖手兮折芰荷涼風淒淒

揚棹歌雲光開曙月低河萬歲為樂豈云多

黃鵠歌

昭帝

始元元年黃鵠下太液池上為歌曰

黃鵠飛兮下建章羽肅肅兮行蹒蹒金為衣兮菊為裳唼喋荷荇出入蒹葭自顧菲薄愧爾嘉

祥

招商歌

後漢靈帝

涼風起兮日照渠青荷晝偃葉夜舒惟日不足樂有餘清絲流管歌玉鳧千年萬歲喜難踰

曲



曲落葉哀蟬曲

漢武帝

羅袂兮無聲玉墀兮塵生虛房冷而寂寞落葉  
依於重扃望彼美之女兮安得感余心之未寧

古文苑卷第四

古文苑卷第五

勅

漢高祖手勅太子

吾遭亂世當秦禁學自喜謂讀書無益洎踐祚  
以來時方省書乃使人知作者之意追思昔所  
行多不是又云堯舜不以天下與子而與它人  
此非為不惜天下但子不中立耳人有好牛馬  
尚惜况天下耶吾以尔是元子早有立意群臣  
咸稱汝友四皓吾所不能致而為汝來為可任  
大事也今定汝為嗣又云吾生不學書但讀書





問字而遂知耳以此故不大工然亦足自辭解  
今視汝書猶不如吾汝可勤學習每上疏宜自  
書勿使人也又云汝見蕭曹張陳諸公侯吾同  
時人倍年於汝者皆拜并語於汝諸弟又云吾  
得疾遂困以如意世子相累其餘諸兒皆自足  
立哀此兒猶小也

啓

晉明帝啓元帝

臣紹言伏蒙吉日沐頭老壽多宜謹拜表賀表  
畲云春正月沐頭至今大垢臭故乃沐尔得啓

知汝孝愛當如今言父子享祿長生也又啓云  
沐父勞極不審尊體何如畲云玄垢甚佳身不  
極勞也

狀

掾臣條屬臣準書佐臣謀弘農太守上祠  
西岳乞差一縣賦發復華下十里以內民  
租田口筭狀

樊毅

光和二年十二月庚午朔十三日壬午弘農太  
守臣毅頓首死罪尚書臣毅頓首頓首死罪死



罪謹按文書臣以去元年十一月到官其十二月奉祠西岳華山省視廟舍及齋衣祭器率皆久遠有垢故魯不修大室春秋示譏臣以神岳至尊宜加恭肅輒遣行事荀班與華陽令先讜以漸繕治成就之後仍雨甘雪濺潤宿麥惠滋黎庶臣即以詔書齋祀雪未消釋時日清和神親民喜親一作歡誠聖朝勞神日昊廣被四表覆育之德神人被施遐邇大小莫不幸甚臣毅頓首頓首死罪死罪謹又書言縣當孔道加奉尊岳一歲四祠養牲百日常當充肥用穀藁三

千餘斛或有請雨齋禱役費兼倍每被詔書調發無差山高聽下恐近廟小民不堪役賦有飢寒之窘違宗神之敬乞差諸賦役復華下十里以內民租田口業以寵神靈廣祈多福隆中興之祚臣輒聽行盡力奉宣詔書思惟惠利增異復上臣毅誠惶誠恐頓首頓首死罪死罪上尚書

書

詣丞相公孫弘記室書 董仲舒

江都相董仲舒叩頭死罪再拜上言君侯以周



召自然休質擢升

拜又作

三公統理海內總緝百

寮未有半言之教郡國翕然望風更思改新以  
助至治群眾所占必有成功仲舒叩頭死罪仲  
舒愚戇素無治名大漢之檢式數蒙君侯哀憐  
之恩悞被非任無以稱職仲舒叩頭死罪仲舒  
竊見宰職任天下之重羣心所歸惟須賢佐以  
成聖化願君侯大開蕭相國求賢之路廣選舉  
之門既得其人接以周公下士之義即竒偉隱  
世異倫之人各思竭愚歸往盛德英俊滿朝百  
能備具即君侯大立則道德弘通

一作化流四

極仲舒愚陋經術淺薄所識褊陋不能贊揚万  
分君侯所弃捐竊聞春秋曰賢聖博觀以章其  
名擇善者後之無所不聽又曰近而不言為諂  
遠而不言為怨故輒披心陳誠仲舒叩頭死罪  
死罪夫堯舜三王之業皆由仁義為本仁者所  
以理一作序人倫也故聖王以為治首或曰發號  
出令利天下之民者謂之仁政疾天下之害於  
人一作心者謂之仁心二者備矣然後海內應以  
誠惟君侯深觀往古思本仁義至誠而已方今  
關東五穀咸貴家有飢餓其死傷者半盜賊並



起發亡不止良民被害爲聖主憂咎皆由仲舒  
等典職防禁無素當先坐仲舒叩頭死罪死罪  
仲舒至愚以爲扶衰止姦本在吏耳宜一考察  
天下領民之吏留心署置以明消滅邪杜之迹  
使百姓各安其產業無有寇盜之患以蠲主憂  
仲舒叩頭死罪謹奉春秋署置術再拜君侯足  
下

荅劉歆書

揚雄

雄叩頭賜命謹至又告以田儀事事窮竟白案  
顯出甚厚甚厚田儀與雄同鄉里幼稚爲鄰長

艾相愛視覬動精采似不爲非者故舉至之雄  
之任也不意淫迹暴於官朝今舉者懷赦而低  
眉任者含聲而冤舌知人之德堯猶病諸雄  
慙焉叩頭叩頭又勅以殊言十五卷君何由知  
之謹歸誠底裏不敢違信雄少不師章句亦於  
五經之訓所不解常聞先代輜軒之使奏籍之  
書皆藏於周秦之室及其破也遺棄無見之者  
獨蜀人有嚴君平臨卬林閭翁孺者深好訓詁  
猶見輜軒之使所奉言翁孺與雄外家牽連之  
親又君平過誤有以私遇少而與雄也君平財



有千言耳翁孺梗概之法略有翁孺往數歲死  
婦蜀郡掌氏子無子而去而雄始能草文先作  
縣邸銘王佴頌階闈銘及成都城四堞銘蜀人  
有楊莊者爲郎誦之於成帝成帝好之以爲似  
相如雄遂以此得外見此數者皆都水君常見  
故不復奏雄爲郎之歲自奏少不得學而心好  
沈博絕麗之文願不受三歲之奉旦休脫直事  
之繇得肆心廣意以自克就有詔可不奪奉令  
尚書賜筆墨錢六萬得觀書於石渠如是後一  
歲成帝作繡補靈節龍骨之銘詩三章成帝好

之遂得盡意故天下上計孝廉及內郡衛率會  
者雄常把三寸弱翰齋油素四尺以問其異語  
歸即以鈇摘次之於槩二十七歲於今矣而語  
言或交錯相反覆方論思詳悉集之燕其疑張  
伯松不好雄賦誦之文然亦有以竒之常爲雄  
道言其父及其先君喜典訓屬雄以此篇目頗  
示其成者伯松曰是縣諸日月不刊之書也又  
言恐雄爲太玄經由鼠坻之與牛場也如其用  
則實五稼飽邦民否則爲抵糞棄之於道矣而  
雄般之伯松與雄獨何德慧而君與雄獨何譖



隙而當匿哉乎其不勞戎馬高車令人君坐幃  
幙之中知絕遐異俗之語典流於昆嗣言列於  
漢籍誠雄心之所絕極至精之所想邁也扶聖  
朝遠照之明使君求此如君之意誠雄散之之  
會也死之日則今之榮也不敢有貳不敢有愛  
少而不以行立於鄉里長而不以功顯於縣官  
者訓此於帝籍但言訓情覽翰墨爲士誠欲崇  
而就之不可以遺不可以忘即君必欲脅之以  
威陵之以武欲令入之於此此又未定未可以  
見今君又終之則縊死以從命也而可且寬假

延期必不敢有愛雄之所爲得使君輔貢於明  
朝則雄無恨何敢有匿唯執事圖之長監所規  
繡之就死以爲小雄敢行之謹因還使雄叩頭  
叩頭

遺令書四首

酈炎

維熹平六年冬十二月乃裂裳書

白嚴考之神坐炎荷天之罪以致于死歿身弊  
有知炎之歸覲在旦夕之間耳若其無知將  
何面目少見靈塊哉其自即安其自愛臣玄矣  
亂矣永滅去矣



白老母無懷憂懷憂何爲無增悲增悲何施寒  
必厚衣無炎誰爲母厚衣暑必輕服無炎誰爲  
母輕服弃炎無念此常厚衣不尤不怨此常輕  
服矣聖人達於死生賢者力而慕之炎之中心  
私有所慕每讀漢書楊王孫裸葬班固以爲賢  
於秦始皇意常壯之然裸以見先人若炎不爲  
也其布中取覆頭布衣用蔽形具棺取容身鑿  
地取容椎若獲罪於衆耶石槨速朽蠲其罪哉  
堅固不加喪葬無瀆先君之兆域必於瘠确之  
處而已呼甘陵夫人共居也

白與讓考喪早葬玄讓之等元昆勉之以老母  
相累不可使老母無曹也加供養謝媿以老母  
相託若死者復知必使其言不愧嗟哉邈之遺  
孤其名曰止戈汝長自爲之寧咨尔止戈汝未  
有所識吾謂汝有所識其先見汝耳汝未有所  
聞吾猶謂汝耳有所聞而告汝人之喪也非父  
則母非昆則弟非姊則妹人之孤也齷齪其少  
矣汝之孤也曾未滿兩旬汝無自以爲微弱物  
有微弱於汝者乃其長而繁焉后稷弃之寒冰  
隘巷矣汝比之猶逸焉於菟之在虎乳極矣汝



比之猶易焉乃終不在乃始在在懼惟生無懼  
管蔡之逸厥終乃不逸之易厥終不易言咨嗟  
止戈汝能言則讚之頌言汝能行則履我之所  
訓剛焉柔焉弱焉強焉學焉愚焉仕焉隱焉懼  
汝身之不柔可不厲汝以剛乎懼汝之剛可不  
厲以柔乎懼汝之弱可不訓汝以強懼汝之愚  
可不勗汝以學懼汝身之可不勗汝以愚乎懼  
汝身之隱可不教汝以仕乎消息汝躬調和汝  
體思乃考言念陋考訓必博學以著書以續受  
父母父業我十七而作麗篇二十四而州書矣

二十七而作七平矣其賦誦誅自少爲之苟吾  
戒汝尅從祭爲甘苟示試汝克違梁奠爲苦汝  
無逸于丘無湏于酒無安于忍事君莫如忠事  
親莫如孝朋友莫如信脩身莫如禮汝哉其勉  
之下邳衛府君我之諸曹掾督郵濟北甯府君  
我由之成就陳留韓府君察我孝廉陳留楊使  
辟我右北平從事從事祭酒今我溺于地下思  
恩則孤而靡報汝有可以倒戟背戈無孤之矣  
陳留蔡伯喈與我初不相見吾仰之猶父不敢  
以爲兄彼必愛以爲弟九江盧府君吾父事之



張公哀張子傳幼業王延壽王子衍之朋友也  
鮮于中優吾先姑之所出也若不足焉汝苟足  
往而朝覲之汝不敏往從之學焉汝苟往取任  
焉咨尔止戈吾蔑復有言焉其永覽于此

曹公與楊太尉書論刑楊脩

操白與足下同海內大義足下不遺以賢子見  
輔比中國雖靖方外未夷今軍征事大百姓騷  
擾吾制鐘鼓之音主簿宜守而足下賢子恃豪  
父之勢每不與吾同懷即欲直繩頽頗恨恨謂  
其能改遂轉寬舒復即宥貸將延足下尊門大

累便令刑之念卿父息之情同此悼楚亦未必  
非幸也謹贈足下錦裘二領八節角桃杖一枝  
官絹五百匹錢六十万四望通幃七香車一乘  
青犢牛二頭八百里驂騮馬一匹赤戎金裝鞍  
轡十副鈴苞一具驅使二人并遺足下貴室錯  
綵羅縠裘一領織成鞞一量有心青衣二人長  
奉左右所奉雖薄以表吾意足下便當慨然承  
納不致往返

楊太尉答曹公書

彪白雅頽隆篤每蒙接納私自光慰小兒頑鹵



謬見采錄不能期効以報所愛方今軍征未暇其備位匡政當與戮力一心而寬玩自稽將違法制相子之行莫若其父恒慮小兒必致傾敗足下恩恕延罪迄今近聞問之日心腸酷裂凡人情誰能不尔深惟其失用以自釋所惠馬及雜物自非親舊孰能至斯省覽衆賜益以悲懼

曹公卞夫人與楊太尉夫人袁氏書

卞頓首貴門不遺賢郎輔佐每感篤念情在凝至賢郎盛德熙妙有盖世文才闔門欽敬寶用無已方今騷擾戎馬屢動主簿股肱近臣征伐

之計事須敬咨官立金鼓之節而聞命違制明公性急忿然在外輒行軍法卞姓當時亦所不知聞之心肝塗地驚愕斷絕悼痛酷楚情自不勝夫人多容即見垂恕故送衣服一籠文綃百匹房子官錦百斤私所乘香車一乘牛一頭誠知微細以達徃意望爲承納

楊太尉夫人袁氏答書

彪袁氏頓首頓首路跂雖近不展淹久歎想之勞情抱山積曹公匡濟天下遐邇以寧四海歸仰莫不感戴小兒疏細謬蒙采拾未有上報果



自招罪戾念之痛楚五內傷裂尊意不遺伏辱  
惠告見明公與太尉書具知委曲度子之行不  
過父母小兒違越分應至此怜其始立之年畢  
命埃土遺育孤幼言之山崩潰明公所賜已多又  
加重賚禮頗非宜荷受輒付徃信

對

郊祀對

董仲舒

廷尉臣湯昧死言臣湯承制以郊事問故膠西  
相仲舒臣仲舒對曰所聞古者天子之德莫重  
於郊郊常以正月上辛日者所以先百神而最

居前禮三年喪不祭其先而不敢廢郊郊重宗  
廟天尊於人也王制曰祭天地之牛角繭栗宗  
廟之牛角尺此言德滋美而牲滋微也春秋曰  
魯祭周公用白牡色白貴純也帝牲在滌三月  
牲貴肥潔而不貪其大也凡養牲之道務在肥  
潔而已駒犢未能芻秣之食莫如令食其母便  
臣湯謹問仲舒魯周公用白牡非禮也臣仲舒  
對曰禮也臣湯問周天子用騂剛群公不毛周  
公諸侯何以得純牲臣仲舒對曰武王崩成王  
幼而在襁褓之中周公繼文武之業成二聖之



功德漸天地澤被四海故成王之詩曰無德不報故成王使祭周公以白牡上不得與天子同色下有異於諸侯臣仲舒以為報德之禮臣湯問仲舒天子祭天諸侯祭土魯何緣以祭郊臣仲舒對曰周公傳成王遂及聖功莫大於此周公聖人也有祭於天道成王令魯郊也臣湯問仲舒魯祭周公用白牡其郊何用臣仲舒對曰周色尚赤魯以天子命郊故以騂臣湯問仲舒祠宗廟或以鶩當鳧可用不臣仲舒對曰鶩飛鳧也臣聞孔子入太廟每事問慎之至也陛下

祭躬親齋戒沐浴以承宗廟甚敬謹柰何以鳧當鶩鶩當鳧名實不相應以承太廟不亦不稱乎臣仲舒愚以為不可臣犬馬齒衰賜骸骨伏陋巷陛下乃奉使九卿問臣以朝廷之事臣愚陋曾不足以承明詔奉大對臣仲舒冒死以聞

### 雨雹對

元光元年七月京師雨雹鮑敞問董仲舒曰雹何物也何氣而生之仲舒曰陰氣脅陽氣天地之氣陰陽相半和氣周迴朝夕不息陽德用事則和氣皆陽建巳之月是也故謂之正陽之月



陰德用事則和氣皆陰建亥之月是也故謂正  
陰之月十月陰雖用事而陰不孤立此月純陰  
疑於無陽故謂之陽月詩人所謂日月陽止者  
也四月陽雖用事而陽不獨存此月純陽疑於  
無陰故亦謂之陰月自十月以後陽氣始生於  
地下漸冉流散故言息也陰氣轉收故言消也  
日夜滋生遂至四月純陽用事自四月以後陰  
氣始生於天上漸冉流散故云息也陽氣轉收  
故言消也日夜滋生遂至十月純陰用事二月  
八月陰陽正等無多少也以此推移無有差慝

運動抑揚更相動薄則薰蒿歛蒸而風雨雲霧  
電雷雪雹生焉氣上薄爲雨下薄爲霧風其噫  
也雲其氣也雷其相擊之聲也電其相擊之光  
也二氣之初蒸也若有若無若實若虛若方若  
圓攢聚相合其體稍重故雨乘虛而墜風多則  
合速故雨大而踈風少則合遲故雨細而密其  
寒月則雨凝於上體尚輕微而因風相襲故成  
雪焉寒有高下上暖下寒則上合爲大雨下凝  
爲冰霰雪是也雹霰散之流也陰氣暴上雨則凝  
結成雹焉太平之世則風不鳴條開甲散萌而



已雨不破塊潤菜津莖而已雷不驚人號令啓  
發而已電不眩目宣示光耀而已霧不塞望浸  
淫被泊而已雪不封條凌殄毒害而已雲則五  
色而爲慶三色而成商露則結味而成甘結潤  
而成膏比聖人之在上則陰陽和風雨時也政  
多紕繆則陰陽不調風發屋雨溢河雪至牛目  
電殺驢馬此皆陰陽相蕩而爲褻汙之妖也敞  
曰四月無陰十月無陽何以明陰不孤立陽不  
獨存耶仲舒曰陰陽雖異而所資一氣也陽用  
事此則氣爲陽陰用事此則氣爲陰陽陰之時

雖異二體常存猶如一鼎之水而未加火純陰  
也加火極熱純陽也純陽則無陰氣息火水寒  
則更陰矣純陰則無陽加水火熱則更陽矣然  
則建巳之月爲純陽不容都無復陰也但是陽  
家用事陽氣之極耳薺麥枯由陰殺也建亥之  
月爲純陰不容都無復陽也但是陰家用事陰  
氣之極耳薺麥始生由陽升也其尤者葶藶死  
於盛夏款冬花於嚴寒水極陰而有溫泉火至  
陽而有涼焰故知陰不得無陽陽不容都無陰  
也敞曰冬雨必暖夏雨必涼何也曰冬氣多寒



陽氣自上躋故人得其暖而蒸成雪矣夏氣多  
暖陰氣自下昇故人得其涼而上蒸成雨矣故  
曰雨既陰陽相蒸四月純陽十月純陰斯則無  
二氣相薄則不雨乎曰然則純陽純陰雖在四  
月十月但月中之一日耳故曰月中何日曰純  
陽用事未夏至一日純陰用事未冬至一日朔  
旦夏至冬至其正氣也故曰然則未至一日其  
不雨乎曰然頗有之則妖也和氣之中自生災  
沴能使陰陽改節暖涼失度故曰災沴之氣其  
常存耶曰無也時生耳猶乎人四支五臟中也

有時及其病也四支五臟皆病也故遷延負墻  
俛揖而退

對事

酈炎

客問酈炎曰吳王曷不傳子而傳兄弟四人傳  
者將以致國乎季札季札不受雖有僚立闔閭  
之弑春秋猶以不受爲義不煞爲仁而相譚以  
夫差喪國咎由季札札不思上放周公之攝位  
而下慕曹臧之謙讓名已細矣春秋之趨豈謂  
介乎炎曰夫四王之輕命致國乎季子謂其能  
流慶百世也季子受內有篡煞之亂外致滅亡



之禍雖知潔己之可爲不惟宗廟之絕祀其痛  
矣問曰周制諸侯父死子繼若札從先私志受  
非所繼是浮行豈節義之謂與闔閭之欲國蓋  
緣札之雅意故曰季子雖至不吾廢也今如吾  
子之云則君子何稱乎炎曰光知季子仁而無  
權故肆意焉季子不能討是則春秋所譏仁而  
不武無能達也子之云公羊也公羊不以父命  
辭王父命以王父命辭父命不以家事辭國政  
衛輒拒父猶謂之可况以國治篡弑之子乎祭  
仲行權公羊嘉之云君可以死易生國可以存

易亾季子不然猶何善乎此蓋公羊之失非義  
之通者也周公誅二叔不爲不仁宋穆受兄國  
不爲不義君子急病而讓夷故踐明堂朝諸侯  
非榮其位爲時之急也以季子之才君國子民  
行化四方與夫勾踐相去幾何若令向時見國  
危亂慕周公急時之義思先君致國之意攝政  
持統邁其威德奚翅遷都瑯琊尚征上國朝齊  
宋鄭魯衛執政之君哉孔子稱可與立道未可  
與權權反經而善聖之達節者也季子守節之  
士故非其量度乎問者因又謂炎曰古者聖人



封建諸侯皆云百里取象於雷雷何取也災曰  
易震為雷亦為諸侯雷震驚百里災曰以其數  
知之夫陽動為九其數卅六陰靜為八其數卅  
二震一陽動二陰故曰百里問者稱善

### 古文苑卷第五

### 古文苑卷第六

頌

山川頌

董仲舒

山則龍從嶽嵬靠巍久不崩陲似夫仁人志士  
孔子曰山川神祇立寶藏殘器用資曲直合大  
者可以為宮室臺榭上者可以為舟輿浮瀉大  
者無不中小者無不入持斧則斫拆鏹則艾生  
人立禽獸伏死人入多其功而不言是以君子  
取辟也且積土成山無損也成其高無害也成  
其大小其上泰其下久長安後世無有玄就儼



然獨處唯山之意詩云節彼南山惟石巖巖赫  
赫師尹民具爾瞻如此之謂也水則源泉混混  
汨汨晝夜不竭既似力者盈科後行既似持平  
者循微赴下不遺小間既似察者循谿谷不迷  
或奏萬里而必至既似知者鄣防止之能淨淨  
既似知命者不清而入潔清而出既似善化者  
赴千仞之壑而不疑既似勇者物皆困於火而  
水獨勝之既似武者咸得之而生失之而死既  
似有德者孔子在川上曰逝者如斯夫不舍晝  
夜此之謂也

車騎將軍竇北征頌

班固

車騎將軍應

一作膺

昭明之上德該文武之妙姿

蹈佐歷握輔揅翼肱聖上作主光輝資天心謨  
神明規卓遠圖幽冥親率戎士巡撫疆城勒邊  
御之永設奮轡一作輔櫓之遠徑閔遐黎之騷狄  
念荒服之不庭乃揔三選簡虎校勒部隊明誓  
號援謀夫於末言察武毅於俎豆取可杖於品  
象拔所用於仄陋料資器使采用先務民儀響  
慕羣英影附羗戎相率東胡爭駑不召而集未  
令而諭於是雷震九原電曜高闕金光鏡野武







陰飛雪讓庶其雨洒淋榛枯一握興嘉卉始農  
土膏含養四行分任於是三軍稱曰疊疊將軍  
克廣德心光光神武弘昭德音超兮首天潜眇  
兮與神參

東巡頌

傳毅

伊漢中興三葉於皇維烈允迪厥倫纘王命胤  
漢興矩坤度以軌物規乾則以陶鈞於是考上  
帝以質中惣列宿於北辰開大微於禁庭延儒  
林以諮詢于時載華抱寶徵尔而造曰盛乎大  
漢既重雍而襲熙代增其德唯斯岳禮久而不

脩此神人之所慶幸海內之所想思頌有喬山  
之征典有徂岳之巡時邁其邦人斯攸勤不亦  
宜哉乃命太僕馴六轡開路馬戒師徒於是乘  
輿登天靈之威駱駕大一之象車聘東作之上  
務闕

天子冠頌

黃香

以三載之孟春建寅月之上旬皇帝將加玄冠  
簡甲子之元辰厥日王於大皞厥時叶於百神  
既臻廟而成禮乃迴軫而反宮正朝服以享宴  
撞太簇之蕤鍾祚蕃屏而鼎轉既夷裔之君王



咸進酌于金罍獻萬年之玉觴

又東巡頌

蔡邕

竊見巡狩岱宗柴望山虞宗祀明堂上稽帝堯  
中述世宗遵奉光武禮儀備具是以神明屢應  
休徵乃降

南巡頌

惟漢再受命爰葉一十協景和則天經郊高宗  
光六幽通神明既禘祖於西郊又將禘於南庭  
是時聖上運天官之法駕建日月之旃旌

太廟頌

王蔡

思皇烈祖時邁其德肇啓洪源貽燕我則我休  
厥成幸先厥道丕明丕欽允時祖考

綏庶邦和四宇九功備彝樂序建崇牙設璧羽  
八佾奏八音舉昭大孝衍妣祖念武功收純祐  
於穆清廟翼翼休徵祁祁髦士厥德允升懷想  
成位咸奔在官無思不若允觀厥崇

述

魏受命述

邯鄲淳

臣聞雅頌作於盛德典謨興於茂功德盛功茂  
傳序弗忘是故竹帛以載之金石以聲之垂諸



來世萬載彌光陛下以聖德應期龍飛在位其  
有天下也恭已以受天子之籍無爲而四海順  
風若乃天地顯應休徵祥瑞以表聖德者不可  
勝載鑠乎煥顯真神明之所以祚命世之令主  
也凡自能言之類莫不謳嘆於野執筆之徒咸  
竭文思獻詩上頌臣抱疾伏蓐作書一篇欲謂  
之頌則不能雍容盛懿列伸玄妙欲謂之賦又  
不能敷演洪烈光揚緝熙故思竭愚稱受命述  
曰  
伊上天闡載自民主肇建歷聽風聲陶唐爲盛

虞夏受終殷周革命有禪而帝有代而王禪代  
雖殊小大繇同於是漢歷在魏赤運歸黃也  
是故大魏之業皇耀震霆肅清宇內萬邦有截  
帥義翼漢奉禮不越旅力戮心茂亮洪烈樹深  
根以厚基播醇澤以釀味含光而弗輝戢翼而  
弗發將俟聖嗣是遂是達聖嗣承統爰宣重光  
陳錫裕下民悅無疆三神宣鑿四靈順方元龜  
介玉應龍粹黃若云魏德據茲以昌爾乃鳴玉  
陟壇三搢以俟旣受休命龍旋鳳峙煌煌厥輝  
穆穆容止臨下有赫允也天子旣受帝位納璽



要綬太常司燎升炮告類珪璋峨峨髦士棣棣  
蹌蹌聖躬御策以莅巍巍乎崇功顯顯乎德容  
信帝位之壯業天休之所鍾也于時天地交和  
日月光精氣稷不作風塵弭清凡在壇場之位  
舉目乎廣庭莫不君臣和德咸玉色而金聲屢  
省萬幾謀訪老成治詠儒墨策納公卿昧旦孜  
孜夕惕乾乾務在諧萬國叙彝倫而折不若懷  
遠人混六合之風納乎仁壽之門刑錯靡試偃  
伯靡軍然後乃勒功代嶽升中上玄斯固我皇  
之大摹思心之所存也

贊

焦君贊

蔡邑

猗歟焦君常此玄墨衡門之下栖遲偃息泌之  
洋洋樂以忘食鶴鳴九臯音亮帝側迺徵迺用  
將受袞職昊天不吊賢人遘隱不惟一志并此  
四國如何穹蒼不詔斯或惜哉朝廷喪茲舊德  
恨以學士將何法則

尼父贊

張超

巖巖孔聖異代稱傑景合乾坤明參日月

正考父贊

王粲



恂恂正父應德孔盛身為國卿族則公姓年在  
耆耄三葉聞政誰能不忘申茲約敬饘粥予口  
偃倮受命名書金鼎祚及後聖

別銘

高祖沛泗水亭碑銘

班固

皇皇聖漢兆自沛豐乾降著符精感赤龍承

一作魁

流裔龍襲唐末風寸木尺土無竢斯亭建

號宣基維以沛公揚威斬蛇金精摧傷涉關陵

郊係獲秦王應

作鴻

門造勢斗壁納忠天期乘

祚受爵漢中勒陳東征剗擒三秦靈威神佑洪

溝是乘漢軍改歌楚眾易心誅項討羽諸夏以

康陳張畫策蕭勃翼終出爵褒賢列上封功炎

火之德彌光以明源清流潔本盛末榮

一作長叙

將十八贊述股肱休勛顯祚永永無疆國寧家

安我君是升根生葉茂舊邑是象於皇舊亭苗

嗣是承天之福祐万年是興

十八侯銘

兢兢相國弘策不追御國維綱秉統樞機文昌

四友漢有蕭何序功第一受封于鄼

鄼侯蕭何第一



勲勲將軍威蓋不當操盾千鈞拔主項堂漢興  
破楚矯矯忠良卒為丞相帝室以康

將軍舞陽侯樊噲第二

赫赫將軍受兵黃石規圖勝負不出帷幄命惠  
瞻仰安全正朔國師是封光榮舊宅

將軍留侯張良第三

懿懿太尉醇厚朴誠輔翼受命應節御營歷位  
卿相土國兼并見危致命社稷以寧

太尉絳侯周勃第四

蹇蹇相國允忠克誠臨危處險安而匡傾興代

之際濟主立名身履國土秉御乾楨

將軍平陽侯曹參第五

洋洋丞相勢譎師旅擾攘楚魏為漢謀主六奇  
解厄揚名于後

丞相戶牖侯陳平第六

堂堂張敖耳之遺萌以誠佐國序跡建忠功成  
德立襲封南宮垂號万春一作永保無疆

南宮侯張敖第七

衍衍衛尉德行循規遭兵食骸墮殁於齊橫耻  
愧景刎頸自獻金紫褒表万世不刊



衛尉曲陽侯酈商第八

煌煌將軍輔漢久長威震呂氏姦惡不揚寇震  
殄盡躬迎代王功顯帝室万世益章

將軍潁陽侯灌嬰第九

斌斌將軍鷹武是揚內康王室外鎮四方諸夏  
又安流及要荒聲騁海內苗嗣紀功

將軍汝陰侯夏侯嬰第十

休休將軍如虎如羆御師勒陳破敵以威靈金  
曜楚火流烏飛將命伏節功績永垂

將軍陽陵侯傅寬第十一

斤斤將軍忠信孔雅出身六師十二四旅折衝  
扞難遂寧天下金龜章德建號傳後

將軍信武侯靳歙第十二

明明丞相天德庭直剛德正行不枉不曲功業  
成著榮顯食邑距呂奉主昭然不惑

丞相安國侯王陵第十三

栢栢將軍輔主克征奉使全璧身出涉作項營序  
功差德履讓以平轉北而遊雲中以傾逝遊

將軍襄平侯韓信第十四

巖巖將軍帶武佩威御雄乘險難困不違仇滅



主定四海是相功成食土德被遐邇

將軍棘津侯陳武第十五

晏晏曲成輿從龍騰安危從主赤一作曜以外

赫赫皇皇道彌光明惟德御國流及後萌騰一作勝

曲成侯蟲達第十六

肅肅御史以武以文相趙距呂志安君身徵詣

行所如意不全天秩邑土勛乃永存

御史大夫汾陰侯周昌第十七

邑邑將軍育養丞丞徒建謀正直行不匡邪入軍

討敵項定天都佩雀雙印百里為家匡一作匿

將軍青陽侯王吸第十八

車銘

馮衍

乘車必護輪治國必愛民車無輪安處國無民

誰與

車左銘

傅毅

虞氏作車取象機衡君子建左法天之陽正位

受綏車不內碩塵不出軌鸞以節步彼言不疾

彼指不躬玄覽于道永思厥中

車右銘

擇御卜右採德用良詢納耆老于我是匡惟賢



是師惟道是式箴闕旅賁內顧自勅匪望其度  
匪愆其則越戒敦約禮以華國

車後銘

敬其在路體貌思恭望衡頽轂允慎茲容無或  
好失音逸匪盤于遊頽省厥遺虎尾斯求昭德塞  
違抑盈以無雖有三晉咸然若虛

仲山父鼎銘

鼎耳革其行塞雉膏不食方雨虧悔終吉有福  
足勝其任公鍊乃珍於高思危在滿戒溢可以  
永年天之大理

樽銘

惟歲之元朝賀奉樽金壘犧象嘉禮具存獻酬  
交錯万罔咸歡

禮銘

機衡建子万物含滋黃鍾育化以養元基長履  
長福至于億年皇靈既祐祉祿來臻本枝百世  
子子孫孫

孟津銘

李尤

洋洋河水赴宗于海經自中州龍圖所在黃函  
白神赤符以信昔在周武集會孟津魚入王舟



乃徃克躬

井銘

井之所向寒泉冽清法律取象不槩自平多取  
不損少汲不盈執憲若斯何有邪傾

小車銘

圓蓋象天方軫則地輪法陰陽動不相離

漏刻銘

昔在先聖配天垂則仰釐七曜俯順坤德乃建  
日宮俾立漏刻昏明既序景曜不惑唐命羲和  
敬授人時懸象著明序以崇熙季末不虔德衰

于茲挈壺失職刺流在詩

警枕銘

蔡邕

應龍蟠雲螭潛德保靈制器象物示有形哲人  
降鑒居安聞傾

樽銘

酒以成禮弗愆以淫德將無醉過則荒沉盈而  
不冲古人所箴尚鑒茲器茂勗厥心

延賓鍾銘

王粲

有魏匡國成功允章格于上下光于四方休徵  
時序人悅時康造茲衡鍾有命自皇三以紀之



六以平之厥量孔嘉厥齊孔時音聲和協人德  
同熙聽之無斁用以啓期

古文苑卷第六

古文苑卷第七

箴

百官箴

初揚雄依虞箴作十二州二十五官箴其九箴  
亡闕後崔駰及子瑋又臨邑侯劉駒駘增補十  
六篇胡廣復繼作四篇文甚典美乃悉撰次自  
為之解釋名曰百官箴凡四十八篇

冀州牧箴

洋洋冀州鴻原大陸岳陽是都島夷皮服潺湲  
河流夾以碣石三后攸降列為侯伯降周之末



趙魏是宅冀土糜沸炫法如湯更盛更衰載從  
載橫陪臣擅命天王是替趙魏相反秦拾其弊  
北築長城恢夏之場漢興定制改封藩王仰覽  
前世厥力孔多初安如山後崩如崖故治不忘  
亂安不遺危周宗自怙云焉有子隳六國奮矯  
果絕其維牧臣司冀敢告在階

### 兗州牧箴

悠悠濟河兗州之寓九河既導雷夏攸處草繇  
木條漆絲締紵濟漯既通降丘宅土成湯五徙  
卒都于亳盤庚北渡牧野是宅丁感雉祖已

伊忠爰正厥事遂緒高宗厥後陵遲顛覆湯緒  
西伯戡黎祖伊奔走致天威命不恐不震婦言  
是用牝雞是晨三仁既知武果戎殷牧野之禽  
豈復能耽甲子之朝豈能復笑有國雖久必畏  
天咎有民雖長必懼人殃箕子歔歔厥居為墟  
牧臣司兗敢告執書

### 青州牧箴

茫茫青州海岱是極鹽鐵之地鈇松怪石群水  
攸歸萊夷作牧貢篚以時莫怠莫違昔在文武  
封呂於齊厥土塗泥在丘之營五侯九伯是討



是征馬殆其銜御失其度周室荒亂小白以霸  
諸侯僉服復尊京師小白既沒周卒凌遲嗟茲  
天王附命下土失其法度喪其文武牧臣司青  
敢告執矩

徐州牧箴

海岱伊淮東海是渚徐州之土邑于蕃宇大野  
既渚有羽有蒙孤桐蠙珠泗沂攸同實列蕃蔽  
侯衛東方民好農蠶大野以康帝癸及辛不祗  
不恪沈湎于酒而忘其東作天命湯武勦絕其  
緒祚降周任姜鎮于瑯琊姜姓絕苗田氏攸都

事由細微不慮不圖禍如丘山本在萌芽牧臣  
司徐敢告僕夫

揚州牧箴

矯矯揚州江漢之游彭蠡既渚陽鳥攸處橘柚  
羽貝瑤琨篠簜閩越北垠沅湘攸往獷獷一作獷矣  
淮夷蠢蠢荆蠻翩彼昭王南征不旋人咸躓於  
垤莫躓於山咸跌於污莫跌於川明哲不云我  
昭童蒙不云我昏湯武聖而師伊呂桀紂悖而  
誅逢干蓋邇不可不察遠不可不親靡有孝而  
逆父罔有義而忘君太伯遜位基吳紹類夫差



一誤太伯無祚周室不匡勾踐入霸當周之隆  
越裳重譯春秋之末侯甸叛逆元首不可不思  
股肱不可不慈一作孽堯崇一作勤屢省舜盛欽謀  
牧臣司揚敢告執籌

荆州牧箴

杳杳

幽一作幽

巫山在荆之陽江漢朝宗其流湯湯

夏君

一作后

遭鴻荆衡是調雲夢塗泥包匭菁茅

金玉砥礪象齒元龜貢篚百物世世以饒戰戰

慄慄至桀荒溢曰我在帝位若天有日不順一作慎

庶國孰敢余奪亦有成湯果秉其鉞放之南

巢號之以桀南巢茫茫包一作多楚與荆風慄以  
悍氣銳以剛有道後服無道先強世雖安平無  
敢逸豫牧臣司荆敢告執御

豫州牧箴

郁郁荆河伊雒是經滎播

一作波

泉漆惟用

一作周

攸成田田相挈廬廬相距夏殷不都成周攸處

豫野所居爰在鶉墟四隩咸宅寓內莫如陪臣

執命不慮不圖王室陵遲喪其爪牙靡哲靡聖

捐一作稍

一作失

其正方伯不維韓卒擅命文武孔純

至厲作昏成康孔寧至幽作傾故有天下者毋



曰我大莫或余敗母曰我強靡克余士夏宅九州至于季世放于南巢成康太平降及周微帶蔽屏營屏營不起施于孫子王赧為極實絕周祀牧臣司豫敢告柱史

益州牧箴

一作梁州

巖巖崑山古曰梁州華陽西極黑水南流茫茫洪波鮌堙降陸于時八都歛民不隩禹導江沱岷嶓啓乾遠近底貢磬錯罍丹絲麻條暢有粳有稻自京徂畛民攸溫飽帝有桀紂洎沉頗僻遏絕苗民滅夏殷績爰周受命復古之常幽厲夷業破絕為荒秦作無道三方潰叛義兵征暴遂國于漢拓開疆宇恢梁之野列為十二光羨虞夏牧臣司梁是職是圖經營盛衰敢告士夫

雍州牧箴

黑水西河橫截一作崑崙邪指閭闔畫為雍垠上侵積石下礙龍門自彼互羗莫敢不來庭莫敢不來臣每在季主常失厥緒侯紀不貢荒侵其寓陵遲衰微秦據以戾興兵山東六國顛沛上帝不寧命漢作京隴山以徂列為西荒南排勁越北啓彊胡并連屬國一護攸都蓋安不忘



危盛不諱衰牧臣司雍敢告贅衣

幽州牧箴

蕩蕩平川惟冀之別北阨幽都戎夏交偪伊昔  
唐虞實為平陸周末荐臻一作秦迫于獯鬻晉溺  
其陪周使不阻六國擅權燕趙本都東限穢貊  
羨及東胡彊秦北排蒙公城壇大漢初分介狄  
之荒元戎屢征如風之騰義兵涉漠偃我邊萌  
既定且康復古虞唐盛不可不圖衰不可不忘  
隄潰蟻穴器漏箴芸牧臣司幽敢告侍傍

并州牧箴

雍別朔方河水悠悠北辟獯鬻南界涇流畫茲  
朔土正直幽方自昔何為莫敢不來貢莫敢不  
來王周穆遐征犬戎不享爰一作貌伊德侵玩  
上國宣王命將攘之涇北宗周罔職日用爽蹉  
既不俎豆又不干戈犬戎作亂斃于驪阿太上  
曜德其次曜兵德兵俱顛靡不悴荒牧臣司并  
敢告執綱

交州牧箴

交州荒裔水與天際越裳是南荒國之外爰自  
開闢不羈一作不絆周公攝祚白雉是獻昭王



陵遲周室是亂越裳絕貢荆楚逆叛四國內侵  
蠶食周宗臻于季赧遂以滅亡大漢受命中國  
兼該南海之宇聖武是恢稍稍受羈遂臻黃支  
抗海三萬來牽其犀盛不可不憂隆不可不懼  
顧瞻陵遲而忘其規摹亡國多逸一作多豫而存  
國多難泉竭中虛池竭瀕乾牧臣司交敢告執  
憲

光祿勳箴

揚雄

經兆宮室畫為中外廊殿門闥限以禁界國有  
周衛民有蕃籬各有攸保守以不岐昔在夏殷

桀紂淫湏特牛之飲門戶荒亂郎雖執戟謁者  
參差殿中成市或鼓或鞞忘其廊廟而聚夫逋  
逃四方多罪載號載呶內不可不省外不可不  
清德人立朝議士充庭祿臣司光敢告執經

衛尉箴

茫茫上天宗高其居設置山險畫為防禦重垠  
一作限累垓以難不律闕為城衛以待暴卒國以  
有固民一作人以有內各保其守永修不敗維昔  
庶僚官得其人荷戈而歌中外以堅齊栢怵惕  
宿衛不飭一作勅門非其人戶廢其職曹子標劔



作標遂成其詐軻挾匕首而衛人不寤二世妄  
宿敗於望夷閭樂矯搜戟者不誰尉臣司衛敢  
告執維

### 太僕箴

肅肅太僕車馬是供鏘鏘和鸞駕彼時龍昔在  
上帝巡狩四宅王用三驅前禽是射紂作不令  
武王征殷擅車孔夏四駮孔昕僕夫執脩載駢  
載駟我輿云安我馬惟閑雖馳雖驅匪逸匪愆  
昔有一作淫羿馳騁忘歸景公千駟而淫於齊  
詩好牡馬牧於駟野輦車就牧而詩人興魯既  
焚問人仲丘厚醜孟子蓋惡夫既多肥馬而野  
有餓殍僕臣司駕敢告執皂

### 廷尉箴

天降五刑惟夏之績亂茲平民不田不辟昔在  
蚩尤爰作淫刑延于苗民夏氏一作不寧穆王  
耄荒甫侯伊謀五刑訓天周以阜基厥後凌遲  
上帝不觚周輕其制秦繁其辜五刑紛紛靡遏  
靡止寇賊滿山刑者半道昔唐虞象刑天民是  
全紂作炮烙墜民于淵故有國者無云何謂是  
刑是劓無云何害是剝是割一作惟虐惟殺人



莫予柰勢以刑顛秦以酷敗獄臣司理敢告執  
謁

### 大鴻臚箴

蕩蕩唐虞經通垓極陶陶百王天工人力畫爲  
上下羅一作該條百職人有材能察有級差遷能  
授官各有攸宜主以不廢官以不隳昔在三代  
二季不蠲穢德慢道署非其人失其材職反  
其官察察荒耄國政如漫文不可武武不可文  
大小上下不可奪倫鴻臣司爵敢告在隣

### 宗正箴

巍巍帝堯欽親九族經哲宗伯禮有攸訓屬有  
攸籍各有育又裔子世又代以不錯昔在夏時少康  
不恭有仍二女五子家降晉獻悖統宋宣亂序  
齊桓不胤而忘其宗緒周譏戎女魯喜子同高  
作秦崇而扶蘇被凶宗廟荒墟鬼靈靡附伯臣  
司宗敢告執主

### 大司農箴

時惟大農爰司金穀自京徂荒粒民是斛肇自  
厥初實施惟食厥僚后稷有無遷易實均實贏  
惟都作程旁求衣食厥民攸生上稽二帝下閱



三王什一而征為民作常遠近貢篚百姓一作曰則不忘帝王之盛咸在農殖季周爛漫而東作不  
勅膏腴不獲庶物並荒府藏一作庫單虛靡積靡  
倉一作積倉積一作靡陵遲衰微姬卒以痒秦收太半二世  
不瘳泣血之末海內無聊農臣司均敢告執繇

### 少府箴

實實少府奉養是供紀經九品臣子攸同海內  
弊帑祁祁如雲家有孝子官有忠臣共僚率舊  
聖則越遵民以不擾國以不煩昔在帝季癸辛  
之世酒池糟隄而象箸以噬至於耽樂流湎而  
姐末作崇共察不御不恢夏殷喪其國康而卒  
以陵遲嗜不可不察欲不可不圖未嘗失之於  
約常失於奢府臣司共敢告執觚

### 執金吾箴

溫溫唐虞重襲純孰經表九德張設武官以御  
寢賊如虎有牙如鷹有爪國以自固獸以自保  
牙爪蔥蔥動作宜時用之不理實反生灾秦政  
暴戾播其威虐云其仁義而思其殘酷猛不可  
重任威不可獨行堯咨虞舜惟思是尚吾臣司  
金敢告執璜



將作大匠箴

侃侃將作經構宮室墻以禦風宇以蔽日寒暑  
攸除鳥鼠攸去王有宮殿民有宅居昔在帝世  
茅茨土階夏卑宮觀在彼溝洫桀作瑤臺紂為  
璇一作璇室人力不堪而帝業不卒詩詠宣王由  
儉改奢觀豐上六大屋小家春秋譏刺書彼泉  
臺兩觀雉門而魯曾以不恢或作長府而閔子不  
仁秦築驪阿嬴姓以顛故人君無云我貴榱題  
是遂毋云我富淫作極遊在彼墻屋而忘其國  
戮作臣司匠敢告執猷

太常箴

崔駰一作揚雄

翼翼太常寔為宗伯穆穆靈祇寢廟亦亦稱秩  
元祀班于群神我祀既祗我粢孔蠲匪愆一作憊  
匪忒公尸又君攸宜弗祈弗求惟德之報不矯  
不誣庶無罪悔昔在成湯葛為不吊棄禮慢祖  
夔子不祀楚師是虜魯人躋僖臧文不悟文隳  
太室相納部賂灾降二宮用誥不挑故聖人在  
位無曰我貴慢行繁祭無曰我材輕身恃巫東  
鄰之犧牛不如西鄰之麥魚秦殞望夷隱斃鍾  
巫又虞常臣司宗敢告執書



太尉箴

崔駰

天官冢宰庶僚之師師錫有帝命虞作尉爰叶  
台極爰平國域制軍詰禁王旅惟式九州用綏  
群公咸治干戈載戢宿纏其紀上之云據下之  
云戴苟非其人斃我帝載昔周人思文公而召  
南詠甘棠昆吾隆夏伊摯盛商季世頗僻禮用  
不匡無曰我強莫余敢喪無曰我大輕戰好殺  
紂師百萬卒以不艾宰臣司馬敢告在際

河南尹箴

茫茫天區畫異為京商邑翼翼四方是營唐虞

商周河洛是居成王邲鄆以處鶉墟諸夏勁強  
是從是橫徹我墻屋而師尹不匡霸奪其權宗  
器以分圖籍遷齊九鼎入秦後云

尚書箴

崔瑗

一作揚雄

皇皇聖哲允勅百工命作齋慄龍為納言是機  
是密出入朕命王之喉舌獻善宣美而讒說是析  
我視云明我聽云聰載夙載夜惟允惟恭故君  
子在室出言如風動於民人渙其大號而萬國  
平信春秋譏漏言易稱不密則失臣允告其和  
巽吝其頻書稱其明申申厥鄰昔秦尚權詐官



非其人符璽竊發而扶蘇墮身一女奴愆命七廟  
為墟威福同門牀上維辜書臣司命敢告侍隅

博士箴

洋洋三代典禮是脩畫為辟雍國有學校侯有  
泮宮各有攸教德用不陵昔在文王經啓其軌  
勗于德音而思皇多士多士作楨惟周以寧國  
人興讓虞芮質成公劉挹行潦洒濁亂斯清宮  
操其業士執其經昔聖人之綏俗莫美於施化  
故孔子觀夫太學而知為王之易易大舜南  
面無為而衽席平還師階級之一本無級間三

苗以懷秦作無道斬决天紀漫彼王迹而坑夫  
術士詩書是泯家言是守俎豆不陳而顛其社  
稷故仲尼不對問陳而瑚一作益是遵一作道原伯  
非學而閔子知周之不振儒臣司典敢告在賓

東觀箴

洋洋東觀古之史官三墳五典靡義不貫左書  
君行右記其言辛尹顧訪文武明宣倚相見寶  
荆國以安何以季世咆哮不虔在強奮矯而戮彼  
逢干衛巫監謗國莫敢言狐突見斥淖齒見殘  
焚文坑儒羸反為漢巫蠱之毒殘者數萬嗟嗟



後王曷不斯鑒是以明哲先識擇木而處夏終  
殷摯周聃晉忝或笑或泣抱籍遁走三葉靖公  
果喪厥緒宗廟隨夷遠之荆楚麥秀之歌億載  
不腐史臣司藝敢告侍後

關都尉箴

茫茫九州規爲關津唐堯積德三代脩仁越季  
不軌爰失厥人聖賢不用頑嚚是親漢潰武關  
項破函谷秦王子嬰縊爲禽僕尉臣司關敢告  
並轂

河隄謁者箴

伊昔鴻泉浩浩滔天有夏作空爰奠山川導河  
積石鑿于龍門疏爲砥柱率彼河澣大陸旣礙  
播于北野濟漯咸順沂泗從流江淮湯湯而冀  
宅乃州澹菑濺濺東歸於海九野孔安四隩不  
殆爰及周衰夏績陵遲導非其道堙非其堙八  
野填淤水高民居湔湔滂汨屢決金隄瓠子潺  
湲宣房作歌使臣司水敢告執河

郡太守箴

有羸驅除焚典紀舊蕩滅蕃畿罷侯置守秦發  
閭左陳涉奮威楚築乾谿靈王不歸征遐由近



可不肅祗守臣司境敢告執機

北軍中候箴

赫赫將帥典摠虎臣鷹揚旅武闐然奮震贅衣  
近侍常伯之人怒如熊力角焉任均操兵左右  
百夫衛賓昔在高祖草創伊神鴻門之會職多  
未陳或有劔舞賴有傾身孔丘歷堦文武定申  
以人士拜齊無其臣秦政東遊大盜輩群期門  
不設施巧銳騎在不脩貞故圖遠東機事有殷  
勤殷勤在親親無常人忽情懈怠禍慢及君憲  
臣司武敢告執軍

侍中箴

皇矣聖上神居天一作其處勤求俊良是弼是輔

匪懈于位庶工以序昔在周文創德西隣昴聞  
上帝賴茲四臣辛尹是訪八虞是詢濟濟多士  
又用有勲文公欽若越興周道亦惟先正克慎  
左右常伯常任寔為政首降及厲王不祗不恪  
暱彼宗夷用肆其虐惟敗天命寇賊一作戎並作  
圯墜宗緒寢廟靡託無曰我賢不選至親無曰  
我任妄用嬖人籍閎飾顏穢我神武鄧通擅鑄  
不終厥後中書竊命石弘作禍高安斷袂哀用



無主侍臣司中敢告執矩

司隸校尉箴

煌煌古制分割五服翼翼封畿四方之極牧監  
匡設是謂王國大漢通變崇弘簡易吞舟之網  
以濟難阨自時厥後或慢或遲綉衣四出禍起  
宮闈江充作亂辱于戾園率隸掘蠱以詰其姦  
既定既寧爰遂其官俾督京甸時惟鷹鷂必正  
必式國之司直乃回乃邪寔為讒慝毀於貞賢  
悔其何及昔唐虞晏晏庶績以熙嬴氏慘慘怨  
毒用滋是故履上位者無云我貴苟任激訐平

陽玄默以式百辟畫一之歌豈猶遐邈使臣司  
隸敢告執役

城門校尉箴

揚雄

幽幽山川徑塞九路盤石唐芒襲險重固國有  
城溝家有柝柝各有攸堅民以不虞德懷其內  
險難其外王公設險而承以盤蓋昔在上世有  
殷有夏癸辛不德而設夫險阻湯武爰征而莫  
遏莫禦作君之危不可德少而城溝伊保不可  
德希而城溝是依唐虞長德而四海永懷秦恢  
長城而天下畔乖尉臣司城敢告侍階



上林苑令箴

茫茫大田芃芃作穀山有徑陸野有林麓夷原  
汚藪禽獸攸伏魚鱉以時芻蕘咸殖國以殷富  
民以家給昔在帝昇共田徑游弧矢是尚而射  
夫封豬不顧於愆卒遇後憂是以田獲三驅不  
可過差麀鹿攸伏不如德至衡臣司虞敢告執  
指

司空箴

一作崔  
駟作

善彼坤靈侔天作則分制五服劃為萬國乃立  
地官空惟是職茫茫九州都鄙盈區網以群牧

綴以方侯烈烈雋乂翼翼王臣臣當其官官宜  
其人九一之政七賦以均昔在季葉班祿遺賢  
培克充朝而象恭滔天匪人斯力匪政斯勅流  
貨市寵而苞苴是鬻王路斯浮孰不傾覆官臣  
司土敢告在側

司徒箴

崔駟

天鑒垂在下仁德是興乃立司徒亂茲黎烝茫茫  
庶域率土祁祁人具爾瞻四方是維乾乾夕惕  
靡怠靡違敬敷五教九德咸事嗇人用章黔  
是富無曰余恃忘予爾輔無曰余聖以忽執政



匪用其良乃荒厥命庶績不怡疚于爾祿豐其折股而鼎覆其餗書歌股肱詩刺南山尹氏不堪國度斯憊徒臣司衆敢告執藩

大理箴

邈矣臯陶翊唐作士設為犴狴九州允理如石之平如淵之清三槐九棘以賢以聽罪人斯殛凶旅斯并熙乂帝載旁施作明昔在仲尼哀矜聖人子罕禮刑衛人釋艱釋之其忠勲亮孝文于公哀寡定國廣門魯矣邈矣舊訓不遵主慢臣驕虐用其民賞以崇欲刑以肆忿紂作炮烙

周人滅殷夏用淫刑湯誓其軍衛鞅酷烈卒殞于秦不疑加害禍不及身嗟茲大理慎于爾官賞不可不思斷不可不度或有忠能被害或有孝而見殘吳沈伍胥殷剖比干莫遂爾情是截是刑無遂爾志以速以殛天鑒在顏無細不錄福善災惡其劬甚速理臣司律敢告執獄

尚書箴

龍作納言帝命惟允山甫翼周實司喉吻赫赫禁臺萬邦所庭無曰我平而慢爾衡無曰我審而怠爾明四岳阿緜績用不成虞登八凱五教



聿清舉以無私乃忝服榮正直是與伊道之經  
先人匪懈永世流聲君子下問敢告侍庭

諫大夫箴崔寔附

於昭上帝迪竝既哲匪于水鑒惟人是察處有  
誦訓出有旅賁木鐸之求爰納適人各有攸訊  
政以不紛音在大禹拜承昌言癸辛暴戾虐及  
于天逢于周厲慢德不蠲煦煦胥讒人謗乃作  
不顧厥愆是討是格庶類不堪流之彘宅防人  
之口譬諸防川豈不速止潰乃潺湲潺湲尚塞  
言擁為賊默默之患用顛厥國諫臣司議敢告

有翼

古文苑卷第七



古文苑卷第八

雜文

僮約

王褒

蜀郡王子淵以事到煎上寡婦楊惠舍有一奴  
 名便了倩行酤酒便了捍大杖上冢顛曰大夫  
 買便了時只約守冢不約為他家男子酤酒子  
 淵大怒曰奴寧欲賣耶惠曰奴父許人人無欲  
 者子即決賣券之奴復曰欲使皆上不上券便  
 了不能為也子淵曰諾券文曰神爵三年正月  
 十五日資中男子王子淵從成都安志里女子



楊惠買夫時戶下髯奴便了決賣萬五千奴從  
百役使不得有<sub>二</sub>言晨起早<sub>洒</sub>一作掃食了洗滌  
居當穿曰縛箒裁于孟鑿井浚渠縛落鉏園研陌  
杜墀<sub>音明</sub>地刻大枷屈竹作把削治鹿盧出入不  
得騎馬載<sub>乘</sub>一作車踦坐大叟下牀振頭垂釣刈  
芻結葦臘纒沃不酪住醜<sub>音祖</sub>醜<sub>音摸</sub>織履作麤黏  
雀張鳥<sub>鳥</sub>一作結網捕魚繳鴈彈鳧登山射鹿入  
水捕龜浚園縱魚鴈驚百餘驅逐鴟鳥持捎牧  
猪種薑養羊長育豚駒糞除常潔餒食<sub>音自</sub>馬牛  
鼓四起坐夜半益芻二月春分被隄杜疆落桑

皮椶種瓜作<sub>音昨</sub>瓠別茄披葱焚槎發等龍集破  
封日中早黃<sub>音復</sub>鷄鳴起春調治馬馱兼落三重  
舍中有客提壺行酤汲水作舖<sub>音哺</sub>滌杯整按園  
中拔蒜斲蘇切脯築肉臠芋膾魚包鱉烹茶盡  
具舖已蓋藏關門塞竇餒猪縱犬勿與隣里爭  
鬪奴但當飲豆水不得嗜酒欲飲美酒唯得染  
脣漬口不得傾盃覆斗不得辰出夜入交關伴  
偶舍後有樹當栽作舡上至江州下到煎主為  
府掾求用錢推紡惡敗搜索綿亭買席往來都  
洛當為婦女求脂澤販於小市歸都擔桌轉出



旁蹉牽犬敗一作鵝武陽買茶楊氏池中擔荷

往來市聚慎護姦偷入市不得夷蹲旁卧惡言

醜罵多作刀弓持入益州貨易牛羊奴自交精

惠不得癡愚持斧入山斷槩栽轅若殘當作俎

机木屐及瓠一作盤焚薪作炭石礪切罪薄岸

治舍蓋屋書削代牘日暮以歸當送乾薪兩三

束四月當披五月當獲十月收豆多取蒲苧音

益作繩索雨墮無所為當編蔣一作織箔植種

桃李梨柿柘桑三丈一樹八赤為行果類相從

縱橫相當果熟收斂不得吮嘗犬吠當起驚告

隣里棖門柱戶上樓擊鼓椅盾曳鈔還落三周

勤心疾作不得遨遊奴老力索種莞織蓆事訖

欲休當春一石夜半無事浣衣當白若有私斂

主給賓容奴不得有姦私事事當聞白奴不聽

教當笞一百讀券文徧訖詞窮咋索佗佗扣頭

兩手自搏目淚下落鼻涕長一尺當如王大夫

言不如早歸黃土陌蚯蚓鑽額早知當尔王大

夫酤酒真不敢作惡張說云此文相傳多誤

奕旨

班固

大冠言博既終或進而問之曰孔子稱有博奕



今博行於世而奕獨絕博義既弘奕義不述問  
之論家師不能說其聲可聞乎曰學不廣博無  
以應客北方之人謂棊為奕弘而說之舉其大  
略決義深矣局必方正象地則也道必正直神  
明德也棊有白黑陰陽分也駢羅布列效天文  
也四象既陳行之在人蓋王政也成敗臧否為  
仁由己危之正也夫博懸於投不專在行優者  
有不遇劣者有僥倖踦挈相凌氣勢力爭雖有  
雄雌未足以為平也至於奕則不然高下相推  
人有等級若孔氏之門回賜相服循名責實謀

以計策若唐虞之朝考功黜陟器用有常施設  
無折一作所因敵為資應時屈伸續之不復變化  
日新或虛設豫置以自護衛蓋象庖羲罔罟之  
制隄防周起障塞漏決有似夏后治水之勢一  
孔有闕壞頽不振有似瓠子汎濫之敗一棊破  
塞亡地復還曹子之威作伏設詐突圍橫行田  
單之竒要厄相切割地取賞蘇張之姿固本自  
廣敵人恐懼三分有二釋而不誅周文之德知  
者之慮也既有過失能量弱強逡巡需行保角  
依旁却自補續雖敗不亡繆公之智中庸之方



上有天地之象次有帝王之治中有五霸之權  
下有戰國之事覽其得失古今略備及其晏也  
至於發憤忘食樂以忘憂推而高之仲尼概也  
樂而不淫哀而不傷質之詩書關雎類也紕專  
知柔陰陽代至施之養性欽祖氣也外若無爲  
默而識淨泊自守以道意隱居放言遠咎悔行  
象虞仲信可喜感乎大冠論未備故因問者喻  
其事

篆勢

蔡邕

體有六篆巧妙入神或龜蛇文或比龍鱗紆體  
放尾長翅短身揚波震激鷹跂鳥震延頸脅翼  
勢似凌雲

青髯奴辭

黃香

我觀人鬚長而復黑冉弱而調離離若緣坡之  
竹鬱鬱若春田之苗因風披靡隨風飄颻爾乃  
附以豐頤表以蛾眉發以素顏呈以妍姿約之  
以紺綫潤之以芳脂莘莘翼翼靡靡綏綏振之  
發曜黝若玄珪之垂於是搖長鬚一作鬚奮髯則論  
說唐虞鼓鬢動鬚則研覈否臧內育環形外闡  
宮商相如以之閑都顓孫以之堂堂豈若子髯



既亂且赭枯槁禿瘁劬勞辛苦汗垢流離污穢  
泥土僮囁穰孺暗與塵為侶無素顏可依無豐  
頤可怙動則困於惣滅靜則窘於囚虜薄命為  
髡正著子頤為身不能庇其四體為智不能飾  
其形骸獏鬚瘦面常如死灰曾不如犬羊之毛  
尾狐狸之毫鬣為子鬚不亦難乎

九惟文

蔡邕

八惟困之憂心殷殷天之生我星宿值貧六極  
之厄獨我斯勤居處浮澗無以自任冬日栗栗  
上下同雲無衣無褐何以自温六月徂暑炎赫

來臻無絺無綌何以蔽身無餉不飽永離權欣  
叙

董仲舒集叙

董仲舒清河廣川人也以治春秋為博士下帷  
講誦弟子傳以久次相授業或莫能見其面蓋  
三年不窺園圃進退容止非禮不行學士皆師  
尊之漢孝武皇帝即位以賢良對策為江都相  
事易王王素驕好勇仲舒以禮義匡正王敬重  
焉公孫弘希世用事深疾仲舒是時膠西王尤  
縱恣數害吏二千石弘欲中之乃言於上曰獨



仲舒可使相膠西王膠西王素服其德善待之  
仲舒恐久獲罪以病免凡相兩國輒事驕王正  
身率下所居而治及去位歸居終不問產業以  
脩學著書爲事年老以壽終於家

記

漢樊毅修西嶽廟記 一作碑

山經曰泰華之山削成四方其高五千仞廣十  
里周禮職方氏華謂之西嶽祭視三公者以其  
能興雲雨產萬物通精氣有益於人則祀之故  
帝舜受堯歷數親巡省設五鼎之奠柴燎壇致

敬神祇又用昭明百穀繁殖黎民時雍鳥獸率  
舞鳳凰來儀暨夏殷周末之有改也其德休明  
則有禎祥荒淫臊穢篤災必降秦違其典璧遺  
鄩池二世以亡高祖應運禮遵陶唐祭則獲福  
奕世克昌亡新滔逆鬼神不享建武之初彗掃  
頑凶更率舊章敢用玄牡牲牲必充天惟醇祐萬  
國以康光和二年有漢元舅五侯之胄謝陽之  
孫曰樊府君諱毅字仲德承考讓國家于河南  
究職州郡辟公府除防東長中都令誅強競撫  
瘠民二鄙以清命守斯邦威隆秋霜恩踰冬日



景化既宣由復夕惕惟寵祿之報順民之則孟  
冬十月齊祀西嶽以傳窄狹不足處尊卑廟舍  
舊久墻屋傾亞世室不脩春秋作譏特部行事  
荀班與縣令先謹以漸補治設中外館園珍竒  
畫恠獸嶽瀆之精所出神秀役不干時而功已  
著暫勞夕逸神永有馮自古太山邱邑猶存五  
嶽尊同哀此勤民獨不賴福乃上復十里內工  
商農賦克厭帝心嘉瑞仍翕風雨應起一作濺  
潤品物君舉必書况乃盛德惠及神人可無述  
焉於是功曹郭敏主簿魏龍戶曹史許禮等遂

刊玄石銘勒鴻勛垂曜靈軫存有昭識其辭曰  
二儀剖判清濁始分陽凝成山陰積爲川泰氣  
推否洪波汎臻堯命伯禹決江開汶川靈既定  
恩覆兆民乃刊祀典辨于羣神因瀆祭地嶽以  
配天世主遵循永享歷年赤銚煌煌受茲介福  
京夏密清殊俗賓服令問不違可謂至德德音  
孔昭實惟我后出自中興大漢之舅本枝惟百  
延慶長久俾守西嶽達奉神祀改傳飾廟靈則  
有攸攸一字無濟降瑞會祚景風凱悌惟風及雨成  
我稷黍穡民用章建乂室宇刊銘記誦克配梁



甫對亦謝乃因章數七室字以益信歸京酒果

碑

河間相張平子碑

河間相張君南陽西鄂人諱衡字平子其先出自張老為晉大夫納規趙武而反其侈書傳美之君天姿敏哲敏而好學如川之逝不舍晝夜是以道德漫流文章雲浮數術窮天地制作伴造化瓌辭麗說竒技偉藝磊落渙炳與神合契然而體性溫良聲氣芬芳仁愛篤密與世無傷可謂淑人君子者矣初舉孝廉為尚書侍郎遷

太史令實掌重黎歷紀之度亦能焯燿敦大天明地德光照有漢遷公車司馬令侍中遂相河間政以禮成民是用息遭命不永闇忽喪祖朝失良臣民隕令君天泯斯道世喪斯文凡百君子靡不傷焉乃銘斯表以旌厥問其辭曰

於維張君資質懿豐德茂材美一作美高朗顯融焉

所不學亦何不師盈科而逝成章乃達一物不知實以為恥聞一善言不勝其喜包羅品類稟授無形酌焉不竭冲而復盈廩廩其庶豐豐其幾膺數命世紹聖作師苟華必實令德惟恭柔嘉



伊則孝友祗容允出在茲維帝念功往才女諧  
化洽民雖愍而不弔降此咎兇哲人其畏罔不  
時恫紀于銘勒永終譽兮死而不朽芳烈著兮

曹娥碑

度尚

弟子邯鄲淳撰

孝女曹娥者上虞曹盱之女也其先與周同祖  
末胄荒流一作沉爰一作茲適居盱能撫節按歌婆  
娑樂神以漢安二年五月時迎伍君逆濤而上  
為水所淹不得其尸時娥年十四號慕思盱哀  
吟澤畔旬有七日遂自投江死經五日抱父屍  
出以漢安迄于元嘉元年青龍在辛卯莫之有

表度尚設祭誅之辭曰鬱伊孝女曄曄之姿偏  
其反而令色孔儀窈窕淑女巧笑倩兮宜其家  
室在洽之陽大禮未施嗟喪慈父彼蒼伊何無  
父孰怙訴神告哀赴江永號視死如歸是以眇  
然輕絕投入沙泥翩翩孝女載沉載浮或泊洲  
渚一作嶼或在中流或趨湍瀨或逐波濤千夫失  
聲悼痛萬餘觀者填道雲集路衢泣淚掩涕驚  
動國都是以哀姜哭市杞崩城隅或有尅面引  
鏡斲耳用刀坐臺待水抱樹而燒於戲孝女德  
茂此儔何者大國防禮自脩豈况庶賤露屋草



茅不扶自直不鏤一作斷自彫越梁過宋比之有

殊哀此貞厲一作獨千載不渝嗚呼哀哉辭曰名

勒金石質之軋坤歲數歷祀立廟起墳光于后

土顯昭天人生賤死貴利之義門何悵華落飄

零早分葩艷窈窕永世配神若堯二女為湘夫

人時効髣髴以昭後昆漢議郎蔡邕聞之來

觀夜闇以手摸其文而讀之邕題文云黃綃幼

婦外孫壻曰二百年後碑冢當墮江中當墮不

墮逢王巨墮一作墜

桐柏廟碑 王延壽

延熹六年正月八日乙酉南陽太守中山盧奴

張君處正好禮尊神敬祀以淮出平氏始於大

復潛行地中見於陽口立廟桐柏春秋宗奉灾

異告誥水旱請求位比諸侯聖漢所尊受珪上

帝太常定甲郡守奉祀務潔沈祭從郭君以來

二十餘年不復身到遣行承事簡略不敬明神

弗歆灾害以生五嶽四瀆與天合德仲尼慎祭

常若神在君準則大聖親之桐柏奉見廟祠崎

嶇逼狹開拓神門立闕四達增廣壇場飭治華

蓋高大殿宇穹齊傳館石獸表道靈龜十四衢



廷弘敞宮廟嵩峻祇慎慶祀一年再至躬進牲  
牲執玉以沈為民祈福靈祇報祐天地清和異  
祥昭格禽獸碩茂草木芬芳黎庶豫祉民用作  
頌其辭曰泫泫淮源聖禹所導湯湯其逝惟海  
是造䟽穢濟遠柔順其道弱而能強仁而能武  
聖賢立式明哲所取定為四瀆與河合矩烈烈  
明府好古之則虔恭禮祀不愆其德惟前廢弛  
匪恭匪力灾眚以興陰陽以忒陟彼高岡臻茲  
廟側肅肅其敬靈祇降福雍雍其和民用悅服  
穰穰其慶年穀豐植望君輿駕扶老携息慕君  
塵軌奔走忘食懷君惠貺思君罔極于胥樂兮  
傳於萬億

春侍祠官屬五官掾章陵劉訢功曹史  
安眾劉瑋主簿蔡陽樂茂戶曹史宛任  
翼秋五官掾新野梁懿功曹史酈周謙  
主簿安眾鄧嶷主記史宛趙旻戶曹史  
宛謝綜

九疑山碑

集中有目  
而亡其篇

蔡邕

巖巖九疑峻極于天觸石膚合興播建雲時風  
嘉雨浸潤下民芒芒南土實賴厥勛逮于虞舜



聖德光明克諧頑傲以孝蒸蒸師錫帝世堯而授徵受終文祖璇璣是承太階以平人以有終遂葬九疑解體而升登此崔嵬託靈神僊

古文苑卷第八

古文苑卷第九

碑

漢故中常侍騎都尉樊君之碑

子遷

君諱安字子佑南陽湖陽人也厥祖曰仲山父翼佐周宣出納王命為之喉舌以致中興食菜于樊子孫氏焉奕世載德守業不愆在漢中葉篤生哲媛作合南頓實產世祖征討逆畔復漢郊廟而樊氏以帝元舅顯受茅土封寵五國壽張侯以功德加位特進其次並以高聲處鄉校侍中尚書據州典郡不可勝載為天下著姓君



幼以好學治韓詩論語孝經兼典記傳古今異義甘貧樂約意不回貳天姿淑慎稟性有直秉操不移不以覬貴世政促峻邑宰寡識慢賢役德被以勞事然後慷慨宦于王室歷中黃門冗從儀史拜小黃門小黃門右史遷藏府令中常侍其事上也貞固密慎矜矜戰戰作主股肱助國視聽外職不誣內言不泄為近臣措模是以兄弟並盛雙據二郡宗親賴榮年五十有六以永壽四年二月甲辰卒朝思其忠追拜騎都尉寵以印紱策書褒歎賻贈有加嗣子遷寔以幼

弱夙叙王爵而喪所天禮備復位以延熹三年冬十有一月自上蒸祭乃尋惟烈考恭脩之懿勒之碑石俾不失墜其辭曰

肅肅我君帝躬是翼王事多難我君是力秉此小心以亮皇職惟帝念功庸以輿服大命傾寶魂神遷伏龜艾追贈用光其德藹藹遺稱作呈作式勒銘茲石垂示罔極勲名不列永昭千億制詔中常侍樊安宿衛歷年恭恪淑慎嬰被疾病不幸蚤終今使湖陽邑長劉搤追號安為騎都尉贈印綬魂而有靈嘉其寵榮嗚呼哀哉延



熹元年八月二十四日丁酉下

漢金城太守殷君碑

酈炎

一作衛覲

君諱華字叔時上郡定陽人大匠君之子也其先出自有殷因國定氏不改其號聖哲玄流至君而懿幼應瓊蘭之美長有冲邈之志敷詩閱禮韜韜竹賁誕循前業守以恪恭仕歷州郡忠愕有分其大操也眈眈虎視龍變不羈故能雄傑於并城聲班於上京察何孝廉貢除郎中左馮翊丞協宣文物公事知州舉茂才宛丘令崇行寬猛示之禮禁褻延庠校政以惠和三載陟

隕邪臨金城郡鄣羗虜避難遷移役兼民匱室如懸磬乃敷權略獎厲威信獫狁率服不敢窺踰兵戢而時動因省獵以習義興利弭患順其所樂開通狹道造作傳館吏士咸悅不勞而勸是以搢紳之徒譚講雅誦釋軍旅之犀革陳俎豆於泮宮其艾檐軫旌顯才良咨量三壽賞刑不僭邦場寧靜歲時豐登耆叟擊壤童齒謳譟功暮一作暮垣列當升寵祚旻不耆德景命失靈以光初元年九月乙酉卒官生有嘉休終則鼎銘於是故吏邊竺江英韓遂等追送遐丘刊石



勒勛其辭曰  
於惟明后懷德握醇昆台之耀秀出不群文昭  
有毅武列能仁含舒憲墨以育生民垂紀東壤  
西國著勛身沒名流載世常存古之遺老非此  
孰云于尔臣恩續續一作其夏芬

西嶽華山亭碑

衛凱

惟光和元年歲在戊子名曰咸池季冬己巳弘  
農太守河南樊府君諱毅字仲德下車之初恭  
肅神祀西岳至尊詔書奉記躬親自往省從勞  
謙即事有漸散齊華亭齊堂逼窄郡縣官屬蜀清

一作

齊無處尊卑錯綜精誠不固畏天之威逢

斯瘴怒時雨不興甘澍不布念存黔首懼闕曠  
素於是與令巴郡胸忍先謹公謀圖議繕故斷  
度擗廊立室異處左右趣之莫不競慕二年正  
月己卯興就既成有元休嘉啓寤各得竭情一作  
誠福祿是顧刻茲碑號吏卒俠路其辭曰

巖巖西岳五鎮次宗緒德之尊太華優隆皇帝  
永思祀典孔明高神肯宴圭璧贄通赫赫在上  
以畜萬邦惟岳降神寔生群公卿士百辟續業  
攸蒙帝命不違歲事報功群后命卿散齊外亭



恭敬明祀以奉皇靈處所逼窄宥宰有聲神樂  
其靜脩翬无形尊卑有序潔心致誠因繕舊室  
整頓端平在其板屋孰不加精天人同道萬祚  
來一作是迎既受帝祉延于後生為龍為光顯又  
王庭為公為侯福祿來成刻石紀號永享利貞  
府丞渤海劉固叔長功曹史楊儒曼先主簿湖  
陽趙伯馮供曹掾楊基伯載史陝許禮文化縣  
丞隴西彭和伯恬左尉隴西甄璆叔曼監典者  
門下掾駱瑋伯先主記史栢覽文進戶曹掾魏  
嘗威長史田磐文祖將作掾曹鑒孔明任就幼

成史吳武丙昌

西嶽華山堂闕碑銘

張昶

易曰天地定位山澤通氣然山莫尊於嶽澤莫  
盛於瀆山嶽有五而華處其一瀆有四而河在  
其數其靈也至矣聖人廢興必有其應故岱山  
石立中宗繼統太華授璧秦胡絕緒白魚入舟  
姬武建業寶珪出水子朝喪位布五方則處其  
西列三條則居其中若廣袤一作袂竒蟲山經有  
紀矣是以帝王巡狩親五岳而告至覲方后而  
考禮故經有望秩之禋典有生殖之祀蓋所以



崇山川而報功也四海一統天子秉其禮諸侯力政疆國攝其祭奉其邑曰華陰也久矣乃紀於禹貢而分秦晉之境奉鄙晉之西則曰陰晉邊秦之東則曰寧秦邑既遷徙禮亦如之三國力爭以秦以祭其城險固基趾猶存故老之言未殞於民也逮至大漢受命克亂不愆不忘舊名是復率禮不越故祀是尊歷葉增脩虔恭又備一禱三祀終歲而四以迄于今而世宗又經集靈之宮於其下想喬松之疇是遊是憩郡國方士自遠而至者充巖塞崖鄉邑巫覡宗祀乎

宗祀一其中者盈谷溢谿咸有浮飄之志愉悅作崇祀之色必雲霄之路可升而越果繁昌之福可降而致也故殖財之寶黃玉自出令德之珍卿相是毓匪惟嵩高降生申甫此亦有焉天有所興必先廢之故殷宗周宣以襄致盛是時也王業中缺大化陵遲郡縣既毀財匱禮乏庭廟傾壞壇場蕪穢祭祀之禮頗有缺焉於是鎮遠將軍領北地太守閭鄉亭侯段君諱煨字忠明自武威占此土憑託河華二靈是與故能以昭烈之德享上將之尊銜命持重屯斯寄國討叛柔服



威懷是示群兇既除郡縣集寧家給人足戶有  
樂生之歡朝釋西顧之慮而懷關中之恃雖昔  
蕭相輔佐之功功冠群后弗以加也遂解甲休  
士陣而不戰以逸其力脩飾享廟壇場之位荒  
而復辟禮廢而復興又造祠堂表以參闕建神  
路之端首觀壯麗乎孔徹然后祈請既有常處  
雖雨露衣而禮不廢於是邑之士女咸曰宜之  
乃建碑刊石垂示後裔其辭曰  
於穆堂闕堂闕昭明經之營之不日而成匪奢  
匪儉惟德是程匪豐匪約惟禮是榮虔恭禋祀

黍稷芬馨神具醉止降福穰穰

後漢鴻臚陳君碑

邯鄲淳

君諱紀字元方太丘君之元子也始祖有虞受  
禪陶唐亦以命禹其後媯溺當周武王時祚作  
昨土于陳君其世也君生應軋坤之純質受嵩  
岳之粹精內包九德外兼百行淵深淪於不測  
膽智應於無方弘裕足以容衆矜嚴足以正世  
然後研機道奧涉覽文學凡前言往行竹帛所  
載靡不坐該其善也亶亶焉其誘人也是以令問  
廣譽塞于天淵儀形嘉誨範乎人倫存乎本傳



故略舉其著於人事者焉顯考以茂行崇冠先  
儔季弟亦以英才知名當世孝靈之初並遭黨  
錮俱處于家號曰三君故得奉常供養以循子  
道親執饋食朝夕竭歡及太丘君疾病終亡喪  
過乎哀崩傷嘔血如此者數焉服禮既除戚容  
彌甚聞名心瞿言及墮涕雖大舜之終慕曾參  
之自盡無以踰也豫州刺史嘉懿至德命勅百  
城圖畫形像于今遺稱越在民口既處隱約潛  
躬味道足不踰閩乃覃思著書二十餘萬言言  
不務華事不虛設其所交釋合贊規聖哲而後

建旨明歸焉今所謂陳子者也初平之元禁罔  
蠲除四府並辟弓旌交至雖崇其禮命莫敢屈  
用大將軍何進表選明儒君爲舉首公車特徵  
起家拜五官中郎將到遷侍中旬有八日出相  
平原會孝靈晏駕賊臣秉政肆其兇虐剝亂宇  
內州郡幅裂戎輿並戒君冒犯鋒矢勤恤民隱  
馴之以禮教示之以知耻視事未朞士女向方  
會刺史敗於黃巾幽冀二州爭利其土君料敵  
知難不忍其民爲已致死乃辭而去之於是老  
弱隨慕扳轅持轂輪不得轉遂晨夜閒行寓於



邳鄆之野袁術恣睢僭號江淮圖覆社稷結婚  
呂布斯事成重必不測救君諗布不從遂與成  
婚送女在塗君爲國深憂乃奮策出奇以奪其  
心卒使絕好追女而還離逃姦謀使不得成國  
用又安君之力也惟帝念功命作尚書令會車  
駕幸許拜大鴻臚實掌九儀四門穆穆遂登補  
袞闕以熙帝載不幸寢疾年七十有一建安四  
年六月卒惜乎懷道處否登庸日寡實使大業  
不究元勳靡建茲海內所爲嗟悼凡百所以失  
望也天子愍焉使者弔祭群卿以下臨喪會葬

有子曰羣追惟蓼我罔極之思乃與邦彥碩老  
咨所以計功稱伐銘贊之義遂樹斯石用監于  
後其辭曰

於穆上德時惟我君固天縱之

大一作天鍾厥純

命世作則實紹斯文遭險龍潛抗志浮雲所貴  
在己樂存事親雖處畎畝天子屢聞乃階郎將  
陪帝作鄰平原寇深遂辭其民思齊古公邠土  
是因不忘諗國惠我無垠復命喉舌秉國之均  
爰登卿士媚茲一人如何穹蒼不授遐年尠厥  
在位每懷不甲股肱或虧朝誰與詢熒熒小子



號泣于旻勒銘表德久而彌新

誄

元后誄

揚雄

新室文母太后崩天下哀痛號哭涕泗思慕功

德咸上極誄之銘曰

一無  
極字

惟我有新室文母聖明皇太后姓出黃帝西陵

昌意實生高陽純德虞帝孝聞四方登陟帝位

禪受伊唐爰初胙土陳田至王營相厥宇度河

濟旁沙麓之靈太陰之精天生聖姿豫有祥禎

作合于漢配元生成孝順皇姑承家尚莊一作  
聖敬

齊內則純被一作備後烈丕光肇初配元天命是

將兆徵顯見新都黃龍漢成既終侑嗣匪生哀

帝承祚惟離典經尚是言異大命俄奠厥年天

墮大終不盈文母覽之千載不傾博選大智新

都宰衡明聖作佐與圖國艱以度厄運徵立中

山庶其可濟博采淑女備其姪娣親一作禮高

禱祈廟嗣繼靡格匪天靡動匪地穆穆明明昭

事上帝弘漢祖考夙夜匪懈興滅繼絕博立侯

王親睦庶族昭穆序明帝致支屬靡有遺荒咸

被祚慶冀以金火赤仍有央勉進大聖上下兼



該群祥衆瑞正我黃來火德將滅惟后于斯天  
之所壞人不敢支哀平天折百姓分離祖宗之  
愆終其不全天命有託謫在于前屬遭不造榮一作策  
極而遷皇天眷命黃虞之孫歷世運移屬在聖  
新代于漢劉受祚于天漢祖受命赤傳于黃攝  
帝受禪立爲真皇允受一作執厥中以安黎衆漢  
廟黜廢移定安公皇皇靈祖惟若孔臧降茲珪  
璧命服有常爲新帝母鴻德不忘欽德伊何奉  
命是行菲薄服食神祇是崇尊不虛統惟祇惟  
庸一作惟隆循一作脩人敬先民是從承天祇家允恭

虔恪豐阜庶卉旅力不射恤民于留不皇詭作  
別計千邑國之是度還奉于此以處貧薄罷苑  
置縣築里作宅以處貧窮哀此嫠獨起常盈倉  
五十萬斛爲諸生儲以勸好學志在黎元是勞  
是勤春巡灞澹秋臻黃山夏撫鄠社冬卹涇樊  
大射饗飲飛羽之門綏宥耆幼不拘婦人刑女  
歸家以育貞信玄冥季冬搜狩上蘭寅賓出日  
東秩暘谷鳴鳩拂羽戴勝降桑蠶于繭館躬筐  
執曲帥導群妾咸循蚕簇分繭理絲女工是勅  
遐邇蒙祉中外禔福自京逮海靡不仰德成類



存生秉天地經無物不理無人不寧尊號文母  
與新有成世奉長壽靡墮有傾著德太常注諸  
旒旌嗚呼哀哉以昭鴻名享國六十殂落而崩  
四海傷懷擗踊拊心若喪考妣遏密八音嗚呼  
哀哉萬方不勝德被海表彌流魂精去此昭昭  
就彼冥冥忽兮不見超兮西征既作下宮不復  
故庭爰緘伊銘嗚呼哀哉

北海王誄

傅毅

誄曰永平七年北海靜王薨於是境內市不交  
易塗無征旅農不修畝室無女工感傷慘怛若

喪厥親俯哭后土仰愬皇旻於惟群英列俊靜  
思勒銘惟王勛德是昭是明存隆其實光曜其  
聲終始之際於斯為榮乃作誄曰  
覽視昔初若論往代有國有家篇籍攸載貴甚  
不驕滿罔不溢莫能履道聲色以卒惟王建國  
作此藩弼撫綏方域承翼京室對揚休嘉光昭  
其則溫恭朝夕敦循伊德

曹蒼舒誄

魏文帝

惟建安十有五年五月甲戌童子曹蒼舒卒嗚  
呼哀哉乃作誄曰



於惟升 懿矣純良誕豐令質荷天之光既哲  
且仁爰柔克剛彼德之容茲義肇行猗歟  
終然允臧宜逢介祉以永無疆如何昊天雕斯  
俊英嗚呼哀哉惟人之生忽若朝露役役百年  
亶亶行暮矧尔夙天十三而卒何辜于天景命  
不遂 兼悲增傷侘傺失氣永思長懷哀爾  
罔極貽尔良妃祿爾嘉服越以乙酉宅彼城隅  
增丘峩峩寢廟渠渠姻媾雲會充路盈衢悠悠  
群司岌岌其車傾都蕩邑爰迄爾居魂而有靈  
庶可以娛嗚呼哀哉

古文苑卷第九

世傳孫巨源於佛寺經龕中得唐人所藏古  
文章一編莫知誰氏錄也皆史傳所不載文  
選所未取而間見於諸集及樂府好事者因  
以古文苑目之今次爲九卷可類觀然石鼓  
之詩退之則以爲孔子未見不知所刪者定  
何詩且何自知其爲宣王也左氏載椒舉之  
言蒐于岐陽則成王爾秦世諸刻子長不盡



著抑亦有去取耶漢初未有五言而歌與樂  
章先有七言蘇李之作果出於二子乎以此  
編數首推之意後代詩人命題以賦者若韋  
孟尚四言至酈炎乃五言也夫文章遠矣唐  
虞之盛賡歌始聞魏晉以還制作逾靡學者  
思欲近古於是其有考焉惟訛舛謬缺者多  
不敢是正而補之蓋傳疑也淳熙六年六月

穎川韓元吉記





